

डेरेक प्रिन्स

परमेश्वरला बचनना अधिकारदेन
शक्ति

डेरेक प्रिन्ससे भ्रिबा किताबगदे

यरुशलेमरी धम्बा

मोलम किन्बा की के:बा किन्बा: हाडसेनधम्बम्ला

येशूला कासे ग्लुबा

परमेश्वरला बचन पाड्बा: ३६५ धिनना संगति

इस्राएलदेन मण्डलीला भाग्य

तिग हाडला ले खस्तो:बा मुला ?

जिन्दगीला ग्याम थुम्बा

परमेश्वरला डामरी निबा

औदिन माया

विश्वासग्याम सोबा

फोइथान चिसी प्रार्थना लबा

खीष्टियनला लागिरी तो:बा मुल सत्य ताम

परमेश्वरला आत्माला उपहारगदे

परमेश्वर जोडी स्होबा परमेश्वर हिन्ना

परमेश्वरला मनना ताड

हाडला टाडगाला लागिरी परमेश्वरसे स्होबा गेताड

जम्मासेन हेला लबागदेदा परमेश्वरसे उन्वा ग्याम

हाडला लागिरी परमेश्वरला सेम

दयामाया

परमेश्वरला आत्मा हाडदेन छ्याम

फोइथान चिसी लबा प्रार्थना खाहड् लसी ज्याना

लसी लबा

हेम्बोगदेदेन आबागदे

निसाफ लबा : खाइमा ? तिग्दा ? खाह्ण्ड लसी ?

लुसिफरला भन्डाफोर

ब्याहला कबुल

टुहुरा टुहुरी, ह्वेम्बो सिबा मिडम्हेमे, प्राडबोदेन

म्हिसे नाइसी थान्वागदे

य्हाडसे इस्राएलदा फातो:बा छे

कबुल लबा य्हुल्सा

परमेश्वरग्याम याइबा ज्यबा ताम

परमेश्वरला मण्डलीदा दो:सी स्होबा

चाडछार ह्विबाला ठिम

ह्वाडसेन बाइबल पढब लबा किताब

प्रार्थनादेन फोइथान चिसी लबा प्रार्थनाग्याम

काइरन स्होबा

आत्माला लडाई

थेनीगदेसे म्हडम्हुडगदेदा तेला

व्हाइला किताबग्याम

स्वर्गरी लडाई

ह्वाडसे शक्ति याइल्

DEREK PRINCE MINISTRIES

P.O. BOX 19501 . CHARLOTTE, NC 28219

WWW.DEREKPRINCE.ORG

परमेश्वरला बचनना अधिकारदेन शक्ति

श्रिखेन:- डेरेक प्रिन्स

अनुवाद लबा: पूर्वी तामाड भाषा समूह

धोवीघाट -३, ललितपुर

पो.ब.नं. ८९७५, इ.पि.सी. २६२१, काठमाण्डौ

फोन नं. ५५४३६०२

इमेल: etlp@sall.com

परमेश्वरला बचनना अधिकारदेन शक्ति

© पूर्वी तामाङ्ग भाषा समूह - मार्च - २०१४

१००० प्रति

© 2009 Derek Prince Ministries-
International

All rights reserved

ISBN 978-1-892283-47-4

Unless otherwise noted, scripture quotation is from the new King James Version of the bible, © 1982 Thomas Nelson Publishers, Nashville, TN.

Scripture marks NASB are from the new American standard bible © 1960, 1962, 1963, 1971, 1973, The Lockman Foundation, La Habra, CA.

This book was compiled from the extensive archive of Derek Prince's unpublished materials and edited by the Derek Prince Ministries editorial team.

No part of this book may be translated or transmitted in any form or by any means, electronic or mechanical, including photocopying, recording, or by means of any information storage and retrieval system, without permission in writing from the publisher.

Printed in the U.S.A.

DEREK

PRINCE DEREK PRINCE MINISTRIES

MINISTRIESWWW.DEREKPRINCE.ORG

परमेश्वरला बचनना अधिकारदेन शक्ति

चु किताबरी डान्दा परमेश्वरला बचनदेन परमेश्वरला बचनना गुणगदे खाह्ण्ड्वा मुला थे च्यावा सेम मुला, खास लसी डाच्छा चुला अधिकारदेन शक्तिला वारेरी च्यावा सेम मुला । जम्मान भन्दा डाच्छा चुसे य्हाडदा परमेश्वरला बचन खबा मुलदेन भिवा म्हि अथवा परमेश्वर हाडलान वारेरी घोवारी हो लला । जम्मान भन्दा डाच्छा चु “परमेश्वरला बचन” भिवा शिर्षकसे थरी न्हीग्याम गे लमुला भिसी घोड । बाइबलदेन येशू खीष्ट न्हीदान “परमेश्वरला बचन भिमुला ।” चुसे येशूदेन बाइबलला गुडरी पूरा तवा सत्य तामदा उन्वा मुला । बाइबल परमेश्वरला भिवा बचन हिन्ना । येशू परमेश्वरला हाडलान बचन हिन्ना । चुदे य्हाड पक्कान येशूदेन छ्याम चिवा सेम मुसम, य्हाड ठीक तरिकासे बाइबलसे पाड्वा अन्ध्रार भ्रनोन तोःला । य्हाड येशूदेन छ्याम चा ठीक तरिकासे भ्रवा तर बाइबलसे पाड्वा अन्ध्रार चा आभ्रना आखम । थेतवासेलमा परमेश्वरला बचनना अधिकारदेन शक्ति य्हाडला लागिरी आरेनान आतवा ताम हिन्ना ।

अधिकार मुबा प्रभु

चुदे य्हाडसे अधिकारला तामदा ख्लासी खेन्वा हिन्सम, अधिकार भिवा छिक जम्मान

स्हेला अधिकार मुबा प्रभुग्याम खला । अर्गु छिकरी
पाड्तोःमा अधिकार मुबा म्हिसे जे ह्वाडसे स्होबा
जम्मान स्हेगदेला अधिकार पिन्ना । थेतबासेलमा
परमेश्वरला बचन बाइबलला अधिकार मुबा म्हि
खला हिन्ना थे ताम य्हाडसे था तनोन तोःला,
चु तामला जोहाब बाइबल ह्वाडसेन प्रष्टन पिन्वा
मुलाः

परमेश्वरला जम्मान बचन परमेश्वरला
आत्माग्यामसेनखबा हिन्ना, ओच्छे लोप्वारी,

अर्ती पिन्वारी, ठीक लसी भ्रवारी,
परमेश्वरसे म्हन्वा अन्धार भ्रवा लोप्वारी
हिन्ना ।

थेह्ण्ड लसीन परमेश्वरला म्हिगदेसे
जम्मान ज्यबा गेगदे लवारी खमगौ भिसीन

परमेश्वला बचन पिन्वा हिन्ना ।

(२ तिमोथी ३:१६-२७)

चुदे य्हाड जम्मान स्हेरी पूरा तवारी
म्हाडबादेन जम्मान ज्यबा गेला लागिरी गोल्से
गोल्से ह्वाडनोन तयार तबा हिन्सम चु जम्मान
तामरी तयार तबा मुल ग्याम चा परमेश्वरला
बचन हिन्ना । जुन ग्लारी पावलसे चुह्ण्ड भिसी
पाड्बा मुला, परमेश्वरला बचन चा परमेश्वरला
आँटग्याम पिन्वा मुला, ग्रीक ग्योइला अर्थ चा
“परमेश्वरसे सा युजी” भिबा हिन्ना । “ग्रीक ग्योइरी
सा युजी भिबादेन आत्माला छिक खाल गिकलान
मुला ।” थे भिबा चा परमेश्वरला जम्मान बचन

परमेश्वरलान आत्माग्याम खबा हिन्ना । अर्गु तरिकासे पाड्तोःमा परमेश्वरला बचन न्हाडरी मुबा जम्मान अधिकार परमेश्वरला आत्माला अधिकाररी मुला, पाड्नो नतोःमा परमेश्वरनोन जम्मान स्हेला अधिकार मुबा परमेश्वर हिन्ना । थेसे ल्हानान तरिकाग्यामसे ल्हानान स्हेगदे चलव लजी, तर चु जम्मान तामला लिच्छा परमेश्वरला आत्माला अधिकार मुला, थे चा परमेश्वर ह्वाडनोन हिन्ना । व्हाडसे परमेश्वरला बचनसे पाड्बा अन्ध्रार गे लजी भिसम परमेश्वरलान अधिकार अन्ध्रार गे लला ।

परमेश्वरसे पिन्बा आँट

जम्मान खालला आँट चा परमेश्वरला बचनग्याम खबा हिन्ना भिसी थोला तामगदेसे पाड्बा मुला । गिक न्ही जे आहिन, कोइ कोइ म्हिगदेसे चु खण्डगदे पक्कान अधिकार मुबा म्हिग्याम खबा आहिन भिसी म्हन्वासेलमा गेखेल्वा आरे भिसी पाड्बारी म्हाइमुला । तर थेह्वाड्बा तामगदे चा परमेश्वरला बचन अन्ध्रार आढिक्मुला । परमेश्वरला आत्मा ह्वाडसेन सुड्बा मुला, परमेश्वरला बचनरी भ्रिवा जम्मान ताम परमेश्वरला आँटग्यामसेन भ्रिवा हिन्ना । ओच्छे परमेश्वरला बचनरी मुबा जम्मान ताम व्हाडला लागिरी फाइदा मुला । चुनोन तामदा अर्गु तरिकासे पाड्तोःमा, परमेश्वरला बचनरी मुबा खजिबै किताब ख्लावारी आत । ओच्छे गेआखेल्वा मुला भिसीनोन पाड्बारी आत ।

एज्रादेन नहेम्याहला किताबएनोन
 आरेनान आतबा किताब हिन्ना । ओच्छे श्रेष्ठगीतला
 किताबएनोन आरेनान आतबा किताब हिन्ना ।
 अगमवक्ता नहुमसे भिवा किताबएनोन आरेनान
 आतबा किताब हिन्ना । परमेश्वरला बचनरी
 य्हाडदा था मुबा तामदा जे च्यासी चिबारी आत
 होदे ताम जे आरेनान आतबा ताम हिन्ना भिसी
 म्हन्बारी आत, तिग्दा भिसम चु ठीक आहिन ।

चुदे य्हाड तयार तसी भ्रवारी सेम लबा
 हिन्सम य्हाड परमेश्वरला बचनग्याम पूरन तयार
 ततोःला । य्हाडदा ल्हानान दिड लगव तखम्ला,
 तर य्हाड चु बचनसे बढव तबान मुला । ओच्छे
 य्हाडसे बडथोरी बड याड्ला (भजनसंग्रह ८४:७) ।

य्हाडसे परमेश्वरला बचनरी सेम लमुला,
 पढव लमुला, ओच्छे थे अन्ध्रार भ्रमुला । येशूसे
 हाडला जगथोरी दिम स्होबा चा परमेश्वरला बचन
 ड्यान्वादेन थे अन्ध्रार गे लबा हिन्ना भिवा तामदा
 ढनो । (मत्ती ७:२४ री च्यागो) थेतबासेलमा
 ड्यान्वा जे आहिन ड्यान्सी थे अन्ध्रार गे लबा
 म्हि दोतोःला ।

अर्थ पाड्सी पिन्वा म्हि

परमेश्वरला बचनना अर्थ पाड्सी पिन्वाला
 बारेरी खेन्मा, परमेश्वरला बचनना अर्थ पाड्खम्बा
 पक्का अधिकार मुबा चा गिक जे मुला, थे चा
 जम्बुलिड स्होबा परमेश्वर हिन्ना । थेहड् लसी
 डाएनोन भिवा म्हि तबासेलमा डाला मिन मुबा

किताबगदे ल्हानान मुला । चुदे थेरी भिवा ताम
 खालै म्हिसे आघोनी भिसम डा चा सल्लाह पिन्वा
 जम्मान भन्दा ज्यवा म्हि तखम्ला । तिग्दा भिसम
 डाइ तिग पाड्बारी म्हाइवा थे ताम डादा जे था
 मुला । डाइ जत्ति प्रष्ट लसी घोना लतोःमुबा होत्ते
 पाड्बारी आखम तला । तर डाइ भिवा तामरी
 डाइ तिग पाड्बारी म्हाइवा मुला थे ताम डादा जे
 था मुला । थेह्ण्ड लसी चुदे परमेश्वरला बचनना
 खजिबै खण्डसे तिग पाड्बारी म्हाइवा मुला भिवा
 ताम य्हाडसे घोबारी म्हाइजी भिसम य्हाडसे
 परमेश्वरला बचनना अधिकार मुबादेन छ्यामनोन
 ड्योइतोःला । परमेश्वरला बचनना अर्थ पाड्बा
 अधिकार चा परमेश्वर गिकदा जे मुला ।

मुल चेला पत्रुससेनोन चुह्ण्ड भिसी पाड्बा मुला

जम्मान भन्दा डाच्छा हाडसे घोतोःवा
 ताम चुनोन हिन्ना, परमेश्वरला बचनरी
 अगमवक्तागदेसे

पाड्बा ताम चा सेमसे म्हन्सी घोना
 लबारी म्हाइवा ताम आहिन, तिग्दा भिसम
 अगमवक्तागदेसे पाड्बा ताम थेन्ना सेमरी
 म्हन्सी पाड्बा ताम आहिन तर परमेश्वरला
 आत्मासे उन्वा अन्ध्रार थेनीगदेसे
 परमेश्वरग्याम खवा ताम पाड्बा हिन्ना ।

(२ पत्रुस १:२०)

खजिबै म्हिसे परमेश्वरला बचनना अर्थ घोना
 लबारी आखम । परमेश्वरला आत्मादेन छ्याम

जे घोना लबा अधिकार मुला । पावलसे पाड्बा
ताम ठीक हिन्ना भिसी पत्रुससेनोन पाड्बा मुला ।
परमेश्वरला बचनसे पाड्बा अधिकार चा परमेश्वरला
आत्माला आँटग्याम जे याड्ला ।

म्हिसे लबा गल्ली

व्हाडसे दुक्क तसी पाड्बारी मी खम्ला
तला, “तर बाइबल भिवा म्हिगदसे, ल्हानान
रेम गल्ली लबादेन थेनीगदेलाएनोन कमजोरी
मुबा। थेनीगदेसे लबा ल्हानान पापगदेला बारेरी
बाइबलरीएनोन भिसी थान्मुला ।”

बाइबल भिवा म्हिगदेसे लबा पाप भिसी थान्वा
चा बाइबल सत्य मुला भिवा तामला चिनु हिन्ना,
दान्दे ल्हानान म्हिगदेसे स्थान्दो म्हिसे था आयाड्गै
भिसी ह्वाडला पाप छुम्सी थान्वा मुला । ओच्छे
तिगै गल्ली आलबा म्हि दोसी भ्रवारी म्हाइबा
मुला । बाइबल भिवा खजिवै म्हिसे थेह्ण्ड् आलनी,
जम्मान भन्दा ल्हाना व्हाइ भिवा दाउद ग्लेसेनोन
ह्वाडसे लबा घेन घेन पापला बारेरी जम्मासेन
पढव लगै भिसी भिसी थान्वा मुला ।

बाइबल भिवा म्हिनोन कमजोर मुला
भिसम बाइबलरी गल्ली आरे भिसी खाह्ण्ड्
लसी पाड्खम्ला ? व्हाडसे चुला जोहा व्हाइला
कितावरी याड्मुला ।

*ओच्छे परमप्रभुला बचनगदेरी तिगै
गल्ली आरे । थे चा निसरेमधोना साप्राला*

मेखाराडरी

खाड्बा नम्बरी म्हुइ हाड्बान मुला ।

(व्हाइ १२:६)

म्हगदेसे खाड् लसी म्हुइदा खरेब लसी ज्यवा स्होमुला भिवा तामला फोटो गिक व्हाडसे चु खण्डरी म्हाड्मुला, थेनीगदेसे साप्राला मेखाराड स्होमुला, थेरी मे फुइमुला। ओच्छे, म्हुइदा ज्यवा म्हुइ स्होबाला लागिरी थे मेखाराडरी युमुला । चुरी व्हाडसे गोर सोम तामगदे म्हाड्खम्मुला ।

१. थे साप्राला मेखाराडसे म्हिला ल्हुइदा उन्मुला ।

२. मेसे चा परमेश्वरला आत्मादा उन्मुला थे मेसे चा म्हुइदा खारेब लमुला ।

३. म्हुइ चा समाचार हिन्ना, परमेश्वरला बचनना आँटदेन अधिकार उन्वाला लागिरी, हेम्कोलादेन म्निडकोलाला कमजोरीगदे गदे ढिकमुला भिसी चु तामसे पाड्मुला । साप्राला ताड चा म्हि हिन्ना, मे चा परमेश्वरला आत्मा हिन्ना, निसरेमधोना खारेब लवा म्हुइ चा परमेश्वरला बचन हिन्ना । बाइबलरी पाड्बा अड्क निससे चा व्हाडदा सत्य ताम न्ही घोना लमुला, थे ताम चा चुनोन हिन्ना, परमेश्वरला आत्मादेन चोखो, चोखो ताम चा परमेश्वरला आत्माग्याम खमुला । बाइबल साप्राला ताड हाड्बा कमजोर, पापी हेम्कोलादेन म्निडकोलासे भिवा तसैनोन निसरेमधोना परमेश्वरला आत्माला मेसे थेदा खारेब लसी शुद्ध तना लवा मुला । चु चा पुरान विश्वास लखम्बा ताम हिन्ना ।

येशूदेन परमेश्वरला बचन

परमेश्वरला बचनना अधिकारदेन शक्तिदा घोबाला लागिरी येशू ह्याडसेन बाइबलदा खाह्ण्ड लसी स्ही मुबा भिबा ताम य्हाडसे घोतो:ला । तिगदा भिसम य्हाड येशूला चेलागदे तबासेलमा, य्हाडसे लोप्तो:बा चा येशूग्यामसेन हिन्ना । येशूसे बाइबलदा खाह्ण्ड लसी घोना लजी ? चु ताम घोबारी यूहन्नासे भिबा य्हाडदा ह्यो लबा थार्बा पिन्वा समाचाररी च्यागे । यहूदी घन्वागदेदेन छ्याम छलफल लमा येशूसे चुह्ण्ड भिसी सुड्जी ।

“जुन म्हिगदे मुबा ग्लारी परमेश्वरला बचन खजी, परमेश्वरसे थेनीगदेन ल हिन्ना

भिसी पाड्मा परमेश्वरला बचन न्होड्बारी आखम्नी ।” यूहन्ना १०:३५

थे पद गिकरीन येशूसे बाइबलदा शिर्षक न्ही पिन्वा मुला । थे शिर्षक न्ही येशूला चेलागदेसे डाच्छाहेन्सेन चलब लबा मुला । थे गिक चा “बचन” अर्गु चा “परमेश्वरला बचन” येशूसे “बचनदा” परमेश्वरला बचन भिसी सुड्मुला, थेला अर्थ चा परमेश्वरग्याम खबा हिन्ना म्हिग्याम आहिन । चु स्वर्गग्याम अथवा परमेश्वरग्याम खबा हिन्ना ।

जुन तामदा येशूसे “बचन” भिसी सुड् मुला, थेला अर्थ चा बचन भिसी थान्वा मुला भिबा हिन्ना, तर परमेश्वरसे सुड्बा ल्हानान

तामगदे चा भ्रिसी थान्वा आरे । जुन ताम चा बचनरी आतवा बाइबलरी भ्रिसी थान्वा मुला, चु चा व्हाडला फाडदाला लागिरी हिन्ना । थेरी मुबा जम्मान तामगदे व्हाडला थाबाला बाररी घोटोःबा तामगदे मुला । येशूला बानीबेहोर बाइबलदेन छ्याम ताम गिकरीन ढिक्वा मुला । थे ताम चा “परमेश्वरला बचन खालैसे थाबारी आखम भिबा हिन्ना” परमेश्वरला बचनना अधिकारदा सजिलो छिकरी भन्दा खाइमैनोन अर्गु पुरा लसी घोना लबारी आखम । चुदे व्हाडसे परमेश्वरला बचन थाबारी आखम भिसी विश्वास लजी भिसम, परमेश्वरसे व्हाडदा थे बचनना जिम्मा किन्वा म्हि स्होला । व्हाडला ल्हुइला जम्मान ग्लारी थेला बचन किन्वौ भिसी परमेश्वरसे आश लबा मुला ।

येशूसे खाह्ण्ड लसी बचनदा चलब लजी ?

व्हाडसे परमेश्वरला बचन खाह्ण्ड लसी चलब लबा भिबा तामला बाररी दोसी व्हाडसे लोप्तोःबा चा येशूग्यामसेन हिन्ना । शैतानसे येशूदा तोडतोडबा ग्लारी सेम च्याबा धुइरी तिग तजी भिबा तामदा च्यागे । चु ताम चा मत्ती ३ अध्यायला जिन्वारी छ्याइबा पदगदेरी च्यामा बप्तिस्मा पिन्वा यूहन्नासे यर्दन स्योडरी येशूदा बप्तिस्मा पिन्माहेन्से शुरु तबा मुला ।

येशूसे बप्तिस्मा किन्सी तुरुन्दन क्युइग्याम थोन्माहेन्से स्वर्ग ठोड्बा म्नाइजी,

ओच्छे थेसे परमेश्वरला आत्मा ढुकुर हड्
लसी फाखवान लबा म्राड्जी । (मत्ती ३:१६)

य्हाडसे चु च्यानोन तो:बा ताम चा
परमेश्वरला आत्मा येशूथोरी मुला भिबा तामला
बारेरी यूहन्ना १:३२-३४ अन्ध्रार परमेश्वरला
बचनसे घोना लमुला ।

परमेश्वरला आत्मा य्हाडथोरी धुइ धुइरी
फेखवा मुला, तर य्हाडदेन छ्याम सदन धनछ्यावा
आरे । तिग्दा भिसम य्हाडसे धुइ धुइरी लबा
तामदेन गोसे लमा परमेश्वरला आत्मा य्हाडदेन
छ्याम सदन धनछ्यावारी आखम्मुला । तर येशूसे
खाइमै थेहड्बा तामदेन गो आलनी । थेतबासेलमा
परमेश्वरला आत्मासे दुख म्हन्तो:बादेन अथवा
ढुकुरदा फ्याड्ना लतो:बा तामएनोन आलनी ।

येशूसे बप्तिस्मा किन्माहेन्से स्वर्गग्याम चुहड्बा
काइ खजी, परमेश्वर आबासे घेन काइरी चुहड्
भिसी सुड्जी,

“चु डाइ सेमहेन्सेन माया लबा डाला
भा हिन्ना, चुदा म्राड्सी डा ल्हानान ताड्बा
मुला । ” मत्ती ३:१७

चुहड्बा उदेकला ताम थे:सी य्हाडला
सेम धरमर तखम्ला । तर येशूदेन छ्याम चा
पक्का ज्यवा धुइ मुबा, चु जम्मान ताम तसी
जिन्माहेन्से थेदा परमेश्वर आबादेन परमेश्वरला
आत्मा न्हीनोन ओच्छे बप्तिस्मा पिन्वा अगमवक्ता
यूहन्नालाएनोन मुबा । तर थेहड्बा आरेमुबा ।

परमेश्वर आबासे थेहड् सुड्माहेन्से चा येशू बोगल न्ही धिनधोना फोइथान चिसी प्रार्थना लबाला लागिरीदेन शैतानग्याम सेम च्याबाला लागिरी तोडतोडबा ग्लारी भोर्जी । परमेश्वरसे पिन्वा मोलमग्याम ह्वाडदा सदन भ्रवारी सजिलो तला भिसी थाम्हन्गो । पाङ्नोन तोःमा खजिवै ज्यबा गेला लागिरी थे मोलमसे ह्वाडदा गाहो तना लबारीएनोन खम्ला । परमेश्वरसे जुन म्हिदा धम्बा मुला, थे म्हिदा शैतानसे भ्रन विरोध लमुला ।

लूकासे भ्रिवा थार्वा पिन्वा समाचाररी चुहड् भिसी पाङ्बा मुला, येशूदा चा “आत्माग्याम तोडतोडबा ग्लारी भोर्जी ।” तर बोगल न्ही धिन जिन्माहेन्से “परमेश्वरला आत्माला शक्तिग्याम” येशू थे ग्लाग्याम दोःसी फेप्खजी । (लूका ४:१४) थे ताम न्ही ल्हानान फरक ताम हिन्ना । परमेश्वरला आत्माग्याम भोर्वा ताम गिक हिन्ना, अर्गु ताम चा परमेश्वरला आत्माला शक्तिग्याम भ्रवा हिन्ना । शैतानना डाच्छा निसी, थेदा आढादेधोना येशू परमेश्वरला आत्माला शक्तिग्याम आभ्रनी ।

चु सत्य तामसे य्हाड न्हाडरीनोन गे लमुला । परमेश्वरला आत्माला शक्तिरी भ्रबाला लागिरी य्हाडसे य्हाडदा फसब लबारी म्हाड्बा तामदेन विरोध लवा तामदा ढातोःला ।

मत्ती ४ अध्यायरी पाङ्बा अन्छार य्हाडसे चु ताम म्हाड्मुला । सेम च्यावा शैतान येशू मुबा ग्लारी खसी जम्मानभन्दा डाच्छा थेसे येशूदा शड्क तना लजी । ल्हाना ह्ड् शैतानसे लवा शुरुला गे चुनोन तमुला । शैतानसे खाइमै परमेश्वरला

बचनदा तुरुन्दन आहिन भिसी आपाड्मुला । तर
 शैतानसे परमेश्वरला बचनना बारेरी तिगै ताम
 ड्योड्मुला ओच्छे, थे बचनथोरी य्हाड्दा शड्क
 तना लमुला । शैतानसे खाड्मै अर्गु ग्याम म्हाड्
 आतोःनी, तिग्दा भिसम मण्डलीला काइरन च्यामा
 थेसे चुनोन तामग्याम ल्हानान रेम गे लबा मुला । तर
 य्हाड्से शैतानदा य्हाड् न्हाड्री गे लबारी पिन्बारी
 आत । मत्ती ४ अध्यायरी य्हाड्से शुरुरी चु ताम
 पढव लमुला,

शैतानसे येशूदा चुह्ण्ड् भिसी पाड्जी,
 जमाहेन्से शैतान येशू मुबा ग्लारी खसी

“ह्हाड् परमेश्वरला भा हिन्सम चु
 युड्बागदेदा गेड् दोगो भिसी सुड्गो” भिसी
 भिजी । मत्ती ४:३

चु ताम ढन्गो, परमेश्वरसे भरखर जे
 स्वर्गग्याम चुह्ण्ड् भिसी सुड्बा मुबा, “चु डाइ
 सेमहेन्सेन माया लबा डाला भा हिन्ना” तर
 शैतानसे येशूदा परमेश्वरग्याम भरखर जे थेःबा
 तामथोरी शड्क तना लबाला लागिरी चुह्ण्ड् भिसी
 पाड्बान मुबा, “चुदे ए परमेश्वरला भा हिन्सम
 चु युड्बागदेदा गेड् स्होसी परमेश्वरला भा हिन्ना
 भिबा तामदा उन्गो ।”

तर येशूसे “गेड्से जे म्हि आसो, तर
 परमेश्वरला सुड्ग्याम थोन्वा जम्मान बचनसे

सोवारी खम्ला भिसी परमेश्वरला
 बचनरी भिवा मुला” भिसी सुड्जी ।

मत्ती ४:४

शैतानसे सोमरेमधोना येशूला सेम च्यामा येशूसे पिन्बा जम्मान जोहाद ठिमला किताबग्याम सुड्वा ताम म्माड्मा चु ल्हानान उदेकला ताम हिन्ना । येशूदेन शैतानसे ठिमला किताबला अधिकारला बारैरी तिगैनोन आड्योड्वा तामएनोन उदेकला ताम हिन्ना । (थेतबासेलमा व्हाडसेनोन तिग्दा शड्क लसी धुइ खेरो भ्याड्से ?)

येशूसे व्हाड्दा फसब लबारी म्हाड्वा जम्मान तामदा भ्रिसी थान्वा परमेश्वरला बचनग्यामनोन ताम लजी । शैतानना ताम थाबाला लागिरी व्हाड चलाख मुला भिसी व्हाडसे खाड्मै म्हान्बारी आतमुला । शैतान व्हाड भन्दा ल्हानान चलाख मुला । ल्हानान धुइहेन्से शैतानसे चु गे लसी खबा मुला । व्हाडसे व्हाडला तामग्याम थेदा भ्रेना लबारी आखम । थेतबासेलमा परमेश्वरला बचन थोसी व्हाडसे थेदा स्याप्तो:ला ।

जुन जुन धुइरी शैतानसे येशूला सेम च्याजी थे थे धुइरी येशूसे चुह्ण्ड् भिसी सुड्जी, “चुह्ण्ड् भिसी भ्रिवा मुला..... चुह्ण्ड् भिसी भ्रिवा मुला.... “चुह्ण्ड् भिसी भ्रिवा मुला....” -मत्ती ४:७,१०) येशूसे “चुह्ण्ड् भिसी सुड्माहेन्से शैतानसे व्हाड्ला ताम पोजी । परमेश्वरला बचनना विरोध लबारी आखम भ्रिवा ताम शैतानदा था मुबा । थरी थरीला ठीमदेन विद्वानगदेसे भ्रिवा तामग्याम जोहाब पिन्सी शैतानदा भ्रेना लबारी म्हाड्सी थेला जालरी फसब थातउ । थेदा परमेश्वरला बचनग्याम जे जोहाब पिन्गो ।

पक्कन सेम च्यासी फसब लबारी म्हाइबा

येशूसे हब्बासे लबा ह्वाडान गल्ली खाइमै
आलनी, व्हाडसे उत्पत्ति ३ अध्यायला शुरुला पदगदेरी
म्ह ल्हइला काइरनना वारेरी पढव लाइ ।

परमप्रभु परमेश्वरसे स्होवा हि जन्तुगदे
न्हइरी पुखी चा जम्मान भन्दा चलाख मुवा ।

पुखीसे म्रिडम्हेमेदा चुह्वाड भिसी
इयोइजी, “तिग परमेश्वरसे एनीगदेदा बगैचारी
मुवा

खजिवै दोडला रो थाचउ भिसी सुइवा
मुला ?” उत्पत्ति ३:१

जम्मान भन्दा डाच्छा हब्बादा पुखीसे तिग
लबाला लागिरी लोभ उन्जी ? थे चा शड्क लबा
हिन्ना, शड्क तमाहेन्से शुरुरी खबा ताम भिवा चा
विश्वास लआखम्बा ताम हिन्ना । विश्वास लबारी
आखम्माहेन्से तबा ताम चा कुल्बा ताम आइयान्बा
हिन्ना । चु ताम ज्यना लसी ढन्गो, व्हाडसे खाइमै
शड्क तना लबा तामदा ग्ला पिन्बारी आत ।

शैतानदा ह्वाडला तहरी थान्खम्ला भिसी
म्हन्वा तामनोन हब्बासे लबा गल्ली हिन्ना ।
हब्बासे शैतानदा चुह्वाड भिसी जोहाव पिन्जी,
“डान्से बगैचारी मुवा जम्मान दोडगदेला रो चवारी
खम्ला” थेरी चवारी आतवा रोएनोन मुला भिवा
तामदा चा हब्बासे वास्ता आलनी । “तर बगैचाला
गुडरी रो मुवा दोड गिकएनोन मुवा,” थे रो चा

ज्यवादेन आज्यवा ताम फेवारी खम्बा ज्ञान बुद्धि
याड्वा रो मुवा । थेनोन रोला वारेरी हब्बासे चुह्ण्ड
भिसी पाड्जी, “परमेश्वरसे चुह्ण्ड भिसी सुड्वा
मुला, थे चा थाचउ, ओच्छे थाथुर्गो, चजी भिसम
एनीगदे सिला ।” (उत्पत्ति ३:३)

शैतानसे पिन्वा जोहावदा तिरेम म्हनो,
जमाहेन्से पुखीसे मिडम्हेमेदा

चुह्ण्ड भिसी पाड्जी, “एनीगदे सिनोन
आसी” (उत्पत्ति ३:४)

शैतानसे ताम ड्योइसी शुरु लमुला, तर
ढिक्पा ताम खाइमै आलमुला । य्हाडसे ग्यार्जा
गिक दिडधोनाला गेगदे च्यामा अथवा ल्हाना
ह्ण्डवा मण्डलीला काइरन च्यामा ओच्छे,
खानडदम्मान तसै शैतानसे परमेश्वरला
म्हिगदेदेन परमेश्वरला बचन थे:ना लवा म्हिगदेदा
परमेश्वरला बचनथोरी आतो:वा तामगदे ड्योइवारी
थीमुला भिवा ताम प्रष्टन म्हाड्मुला । शैतानसे
सदन जुन ग्लारी थेनीगदेसे सत्य तामदा आहिन
भिसी पाड्मुला, थेनोन ग्लारी भमुला । प्लेवा ग्युरो
ग्यामरी थाभ्रउ । परमेश्वरला बचनरी चा अधिकार
मुला । चु परमेश्वरला बचन हिन्ना ह्हाडला सेमरी
थान्गो । चु बचन अन्ध्रार भ्रउ, चुनोन बचनग्याम
शैतानदा जोहाव पिन्गो, शैतानसे परमेश्वरला
भिवा बचनना जोहाव पिन्वारी आखम ।

पावलसे चुह्ण्ड भिसी पाड्वा मुला,

“परमेश्वरला आत्माला तरवार थोगो,
..... थे चा परमेश्वरला बचन हिन्ना ।”...
(एफिसी ६:१७)

बचनदा ग्रीक ग्योइरी गोर न्ही छिकरी अनुवाद लबा मुला । गिक चा लोगोस भिसी अनुवाद लमुला अर्गु चा रेमा भिसी अनुवाद लमुला । लोगोसला अर्थ चा परमेश्वरसे पिन्वा पूरा बचनदेन जुकजुकधोनाला सल्लाह हिन्ना । रेमाला अर्थ चा परमेश्वरसे सुड्बा ताम हिन्ना । एफिसी ६:१७ री पाड्बा छिक चा रेमा हिन्ना । चु परमेश्वरसे सुड्बा ताम हिन्ना । शैतानदा स्याप्पा धुइरी हाडसे परमेश्वरला बचन पाड्सी स्याप्तो:मुला ।

चुदे हाडला बाइबल दराजरी जे चिम्सी थान्मुला अथवा हाडला डामरी मुबा टेबुलरी जे मुला भिसम थेसे हाडदा सोना लबारी आखम । बाइबलरी मुबा ताम पाड्मा जे बाइबलसे गे लबारी खम्ला । बाइबलला तामदा हाडला सुडरी थान्तो:ला, ओच्छे हाडलान लागिरी बाइबलरी मुबा तामगदे पाड्तो:ला । जमाहेन्से थे छ्यार्वादेन म्युड्म्युड्बा तरवार दो:ला । थे म्राड्सी शैतान लोड्सी यार्ला । थेदेन छ्याम तिगै तामला जोहाव आत ।

बचनना अधिकार

दाहेन्से य्हाडसे येशूसे परमेश्वरला बचनना अधिकारला बारेरी तिग सुड्बा मुला च्यागे । य्हाडसे डाच्छाला तामगदेदा ढनो, थेरी य्हाडसे परमेश्वरला बचनना अर्थ “भिसी थान्वा परमेश्वरला बचन हिन्ना ।” भिबा ताम था याड्जी । येशूसे चुहड् भिसी सुड्बा मुला,

“डा परमेश्वरसे मोशादा पिन्वा

ठिमदेन अगमवक्तागदेसे पाड्बा ताम भ्याड्
बारी आहिन,

तर थे पूरा लबारी खवा हिन्ना ।
एनीगदेसे डाला ताम ड्यान्गो, तिग्दा भिसम
मुदेन

जम्बुलिड नाश आततेधोना परमेश्वरसे
मोशादा पिन्वा ठिमरी मुबा हिगी गिकनोन
आम्हा ।” मत्ती ५:१७-१८

दान्देला हिब्रू ग्योइरी जोट भिबा चा
जम्मान भन्दा जजा हिगी हिन्ना ओच्छे टाइल
भिबा चा थेह्ण्ड्बान थेह्ण्ड्बान हिगीदा फरक
उन्बाला लागिरी हिगी गिकदेन छ्याम थुइबा
चिनु हिन्ना । चुगदेन परमेश्वरला बचनरी भिबा
जम्मान भन्दा जजा तामगदे हिन्ना । येशूसेनोन
चुह्ण्ड् भिसी सुड्बा मुला, चुगदे न्हडला गिकनोन
म्हसी आनि ।

चु तामग्यामसेन येशूसे परमेश्वरला
भिबा बचनना अधिकार पूरान विश्वास लमुला
भिबा ताम प्रष्टन उन्वा मुला । डाच्छा येशूसे
परमेश्वरसे सुड्बा बचनना ताम आलमुबा, तिग्दा
भिसम जोटदेन टाइल भिसी भिबा बचन जे
चलव लमुबा । येशूसे परमेश्वरला भिबा बचनना
अधिकारदा पूरान विश्वास लमुबा ।

लिच्छा येशूला गे लबा धुइ जिन्गे लबा
धुइरी, येशूसे सदुकीगदेदेन छ्याम ताम लबान
मुबा ।

थे धुइरी चु म्हिगदसे बचनदा पक्का लसी वास्ता आलमुबा, थे म्हिगदसे परमेश्वरला बचनना जम्मान अधिकारदा आकिन्नी। पाङ्गोन तोःमा थेनीगदसे डाच्छाला गोर डा किताबगदेदा जे किन्जी । तर थेनीगदसे सिबाग्याम दोःसी सोला भिसी लोप्पा तामदा चा चु तबारीन आखम्बा ताम हिन्ना भिसी विश्वास आलमुबा । ओच्छे, येशू मुबा ग्लारी खसी थनीगदसे ल्हानान सेवा दोसी ताम ड्योइजी, तर येशूसे खाह्ण्ड लसी चुला जोहाव पिन्जी थे ताम चुरी मुला:

“तर सिबाग्याम सोबागदेला बारैरी परमेश्वरसे तिग सुड्बा मुला, थे एनीगदसे पढव

लबा आरे ? ‘डा अब्राहामला परमेश्वर, इसहाकला परमेश्वरदेन याकूबला परमेश्वर

हिन्ना ।’ परमेश्वर सिबागदेला परमेश्वर आहिन, तर सोबागदेला परमेश्वर हिन्ना ।” मत्ती २२:३१-३२

येशूसे परमेश्वरला बचन खाह्ण्ड लसी चलव लजी, भिवा तामदा ज्यना लसी खेन्गो । येशूसे चलव लबा छिक ग्यार्जा च्युक्व्ली दिड डाच्छान मोशासे भिवा मुबा । पाङ्गोन तोःमा थे छिकगदे परमेश्वरसे मोशादेन छ्याम सीधान लबा मुबा । तर येशूसे चु तामगदेला बारैरी आसुङ्नी चु ताम परमेश्वरसे मोशादा ग्यार्जा च्युक्व्ली दिड डाच्छान सुड्बा मुबा । येशूसे थेनीगदेदा चुह्ण्ड भिसी सुड्बा मुबा, “परमेश्वरसे बचनरी तिग

सुड्बा मुला एनीगदेसे पढव लवा आरे ?” अर्भै येशूसे परमेश्वरला बचनदा चु तामरी चलव लजी भिबा तामसे तिनी य्हाडला गुडरी खजिवै शक्तिशाली तामदा घोना लमुला । परमेश्वरला बचन खाइमैनोन गाल्सी आनिमुला, ओच्छे म्हिला खजिवै चलाख तामला लागिरी जे भिसी थान्वा आहिन । चुदे चु ताम हजार सोम दिड डाच्छा भिबा हिन्सैनोन, चु बचन तिनीएनोन परमेश्वर य्हाडदेन छ्याम बात लवा हिन्ना । येशूसे सुड्बा ह्हाड्नोन चु चा परमेश्वरला बचनना अधिकार हिन्ना ।

परमेश्वरला बचन पूरा तजी

अर्गु ताम चा येशूसे खाह्ण्ड लसी परमेश्वरला बचनदा घोसी चलव लजी भिबा ताम घोबाला लागिरी थेलान ल्हुइगयाम परमेश्वरला बचन खह्ण्ड लसी पूरा तबा मुला थे ताम य्हाडसे घोतोःला । चुदे य्हाडसे पुरान छार कबुल च्याजी भिसम, य्हाडसे च्युक्त्रे थरीला ग्लागदेरी खाल गिकलान बचन पाड्बा स्याप्ला । येशूला ल्हुइरी तबा मूल घटनागदेला बारेरी चुह्ण्ड भिसी पाड्बा मुला । “परमेश्वरला बचन पूरा तगै भिसी चु जम्मान ताम तबा हिन्ना ।” अर्गु ताम चा येशूसे परमेश्वरला बचनरी जे विश्वास आलनी, थेसे परमेश्वरला बचनसे कुल्वा अन्ध्रारएनोन लजी । येशूला पूरान जीवन परमेश्वरला बचन अन्ध्रार भ्रमुबा ।

य्हाडसे येशूला जीवनना बारेरी अर्गु
 ल्हानान तामगदेग्यामसेनोन च्याबारी खम्ला ।
 थेला गेग्यामसेन य्हाडदा चु सत्य तामदा उन्वा
 मुला । तसैनोन य्हाडला लागिरी चु किताबरी मुबा
 तामगदे अभै घोवान निबाला लागिरी गोर व्ळी
 मुल तामगदे भ्रिवा मुला । थे तामगदे चा येशू
 न्हावा ताम, म्हि ल्हुइला ताम, ओच्छे थे खाह्ण्ड
 लसी सिला, ओच्छे, येशू सिबाग्याम सोबा तामला
 बारेरी पाड्वा मुला ।

चु “बचन पूरा तगै भिसीन चु जम्मान
 तबा हिन्ना” भिसी बाइबलसे पाड्मुला, थेला
 लागिरी चुरी मुबा पदगदेरी च्यागो, (मत्ति
 १:२२,१२:२७,२७:३५, लूका २४:४४) । येशूसे
 ह्हाडसे लबा थे तामगदे भन्दाएनोन परमेश्वरला
 बचनना शक्तिरी अभै ल्हानान गेगदे लबारी खम्सेला
 मुबा ।

परमेश्वरला बचनदेछ्याम अधिकार

व्हाडसे छार कबुल पढव लसी मुल प्रश्न गिक च्यागे, छार कबुलदेनछ्याम तिग अधिकार मुला ? चु ताम था याड्माहेन्से ह्वाड उदेक तखम्ला । तिग्दा भिसम चु थेनोन अधिकार हिन्ना जुन अधिकार पुरानो कबुल खबा भन्दा डाच्छान मुबा । खास लसी दाहेन्से व्हाडसे बचनना खण्ड न्ही च्याला, थे ताम चा येशूसे ह्वाडला चेलागदेनछ्याम लबा बात हिन्ना ।

चु बचनना खण्डला शुरुरी, येशू ह्वाडला चेलादगेग्याम फेवारी म्हाडवान मुला । येशूसे थेनीगदेदा ह्वाडसे ख्लासी निवान मुला भिवा सत्य ताम घोना लवान मुला ।

“डा एनीगदेदेन छ्याम मुबा धुइरीन
चु ताम डाइ एनीगदेदा पाड्बा मुला । डाला
साटोरी

आवासे एनीगदेदा हो लवारी पुडखबा
थेला आत्मासे एनीगदेदा जम्मान ताम
लोप्ला ।

ओच्छे डाइ पाड्बा जम्मान
तामएनोन एनीगदेदा ढान्ना लला ।”

(यूहन्ना १४:२५-२६)

मुल चेलागदेसे बचन भिवा अधिकार याड्बा चा परमेश्वरला आत्माग्याम याड्बा अधिकार हिन्ना । येशूसे थेनीगदे चुहड् भिसी सुड्जी, एनीगदेदा परमेश्वरला आत्मासे थरी न्हीग्याम

हो लला: गिक चा परमेश्वरसे जुन ताम थेनीगदेदा लोप्वा आरे, थे ताम परमेश्वरला आत्मासे लोप्ला । अर्गु चा येशूसे थेनीगदेदा जुन जुन ताम सुड्बा मुबा, थे ताम थेनीगदेसे म्लेखम्ला, थेनीगदेसे म्लेबा थे तामगदे परमेश्वरला आत्मासे थेनीगदेदा ढान्ना लला । थार्बा पिन्वा समाचारी भ्रिबा तामगदे चा म्हिला ज्ञान बुद्धिग्याम ढान्सी खबा आहिन, चु चा परमेश्वरला आत्माग्याम खबा सत्य ताम हिन्ना । अभै येशूसे थेनोन सत्य ताम दो:सी हाडला चेलागदेदा सुड्जी ।

“डाइ एनीगदेदा पाड्तो:बा ताम मी ल्हानान मुबा । तर एनीगदेसे दान्दे चु भन्दा ल्हाना

घोबारी आखम । तर थे सत्यला आत्मा फेप्खमाहेन्से सत्य ताम तिग हिन्ना भिसी थेसेन

एनीगदेदा घोना लला । थेसे हाडला सेमग्याम एनीगदेदा तिगै ताम आसुड्, थेसे जुन

ताम थे:ला थेनोन ताम जे एनीगदेदा सुड्ला । ओच्छे थेसेन लिच्छा तसेला

तामगदेएनोन एनीगदेदा घोना लला ।”

(यूहन्ना १६:१२-१३)

चुरी डाइ ताम गिक पाड्ला येशूसे परमेश्वरला आत्मा चु आहिन तर थे मुला भिबा तामदा घोना लबाला लागिरी व्याकरणना ठिमदा ख्लाबा मुला । ग्रीक व्याकरण अन्ध्रार येशूसे चु भिसी सुड्बा हिन्सम तसेला मुबा तर येशूसे थेहड् आसुड्नी येशूसे थे भिसी सुड्जी । अर्गु तरिकासे पाड्तोःमा परमेश्वरला आत्मा चा चु जे आहिन, थे म्हि हिन्ना । थेतवासेलमा य्हाडसे परमेश्वरला आत्मादा थेहड् लसीन च्यातोःला ।

दोःसीनोन येशूसे आँट खबा अर्गु सत्य ताम घोना लबा मुला, जुन ताम य्हाडसे लोप्नोन तोःबा मुला थे ताम य्हाडसे दान्देधोना याड्बा आरे, थे ताम परमेश्वरला आत्मासे पिन्ना । य्हाडसे चु खण्ड पढब लबान निमा अर्गु पदसे चुहड् भिसी पाड्बा मुला ।

“थेसे (परमेश्वरला आत्मासे) डाला
मानदेन जयजकार लला,

तिग्दा भिसम थेसे डाइ पाड्बा
ताम थेःसी एनीगदेदा पाड्ला ।” पद १४

डाइ चुरी मुबा परमेश्वरला आत्माला अर्गु मुल चिनुला बारेरी पाड्ला, थेसे सदन येशूला मानदेन जयजयकार लला । चुदे ह्हाडसे येशूला जयजयकार थालउ तर म्हिल जयजयकार लउ अथवा अर्गु तिगै स्हेला जयजयकार लउ भिसी पाड्बा आत्मादेन छ्याम ह्युप तजी भिसम थे परमेश्वरला आत्मा आहिन भिबा तामरी ह्हाड दुक्का तउ । परमेश्वरला आत्माला जम्मान भन्दा

घेन गे भिवान येशूला बारेरी घोना लबादेन येशूदा जयजयकार लबा हिन्ना । य्हाडदा बाइबसे परमेश्वरला आत्मा हिन्ना की आहिन भिसी च्याबारी लोप्वा मुला (१:यूहन्ना ४:१), चुह्ण्ड लसी च्याबा चा ज्यबा ताम हिन्ना ।

परमेश्वरला आत्माग्याम लबा गेदेन ताम हिन्ना की आहिन भिसी पक्का लबा ताम चा थेसे येशूला जयजयकार लबा मुला की आरे भिसी च्याबा हिन्ना । चुदे थेसे येशूला जयजयकार आलबा हिन्सम, थे जत्तिन ज्यबादेन परमेश्वरग्याम खबा ह्ण्डबा थे:सैनोन थेसे तिगै गे लबारी आखम, अथवा थे ल्हानान घेनदेन उदेकला समाचार तखम्ला तर थे परमेश्वरला आत्माग्याम खबा आहिन । परमेश्वरला आत्मासे येशूला बाहेक अर्गु खालैलान जयजयकार आल । जुन जुन धुइरी म्हिगदेसे ह्ण्डसे ह्ण्डदान जयजयकार लगै भिसी पाड्ला, थे धुइरी परमेश्वरला आत्मासे चुह्ण्ड भिसी सुड्ला “माफ लउ, डा नितो:ला, एसे चु लबारी खम्ला तर डा चुरी आत ।”

निबा दिडगदेरी डान्से परमेश्वरला ल्हानान गेगदे म्हसी निबा म्ण्डबा मुला । परमेश्वरला आत्मासे येशूदा जे पिन्बा जयजयकार म्हिगदे ह्ण्डसेन किन्बासे लमा परमेश्वरला गादे गेगदे म्हसी निजी, थे गेगदे डाइ भ्याबारी आखम । थे तामगदेला लागिरी य्हाड ह्ण्डनोन होशियार तसी चितो:मुला । य्हाडसे सदन ह्ण्डसे ह्ण्डदान तिग लवान मुला भिसी च्यातो:मुला । चुह्ण्ड लसी च्याबा चा य्हाडसे येशूदा जयजयकार लमुला की

डेरेक प्रिन्स अथवा य्हाड न्हडला स्थान्दो खालै
 घेन म्हिदा जयजयकार लवान मुला भिसी था
 याड्बालान लागिरी चुहड् लतोःला । डेरेक प्रिन्स
 चा परमेश्वरला दयामायासे सोबा पापी म्हि गिक
 हिन्ना, ओच्छे य्हाडएनोन थेहड्बान हिन्ना भिवा
 ताम सत्य हिन्ना ।

येशू जे जयजयकार याड्बा धोनाला मुला ।
 चु सत्य तामला बारेरी य्हाडदा सदन ढान्ना लवा चा
 परमेश्वरला आत्मासे लवा मुल गे हिन्ना ।

परमेश्वरला बचनना गे

दाहेन्से य्हाड ल्हानान सेम निवादेन
 आरेनान आतबा ताम च्यागे । थे चा परमेश्वरला
 बचनना गे हिन्ना, य्हाडसे परमेश्वरला बचनना
 गेला बारेरी हिब्रूला किताबरी ज्यना लसी घोना
 लवा याड्ला ।

“परमेश्वरला छोन्वो बचन मी गे लसी
 चिवा शक्ति हिन्ना । चु न्हीलोपट्टि धार मुबा
 तरवार भन्दा छ्यावाँ मुला । चुसे म्हिला
 आत्मा, ल्हुइ, थेला जी जीदेन नखुला

टाडगादेन फेला । ओच्छे म्हिला सेमला
 तामदेन लबारी म्हाइबा गे ठीक

मुला की आरे भिसी च्याला । ”

(हिब्रू ४:१२)

य्हाडसे एफिसी ६:१७ री डाच्छान
 च्यावा ह्हाड लसी परमेश्वरला बचन तरवारदेन

छ्याम दाँजब लबा ताम दोःसीनोन स्याप्वा मुला ।
बचन चा त्वारनोन हिन्ना ।

अभ्रै पाड्तोःमा, परमेश्वरला बचन चा
सिबा आहिन, चु छेन्बो बचन हिन्ना । परमेश्वरला
बचन तार कागजरी भ्रिबा म्लाडगै चिनु जे
आहिन । चु बचन थेःना लबा म्हिला सुडग्याम
थोन्वा काइ जे आहिन । चु बचन सोबान मुला,
ओच्छे चु छेन्बोएनोन मुला । चु बचन खमाहेन्से
म्हदा जुनी पिन्मुला, परमेश्वरला बचन छेन्बोदेन
शक्तिशाली मुला । परमेश्वरदा धन्यवाद तगै ।
चु बचन शक्तिशाली मुला । चु बचन शैतानना
य्हुल्सा नाडनोन प्लिड्बा फट्टा ताम भन्दा ल्हानान
शक्तिशाली मुला । ओच्छे जम्मान तामला जोहाव
याड्बा चा परमेश्वरला बचननोन हिन्ना ।

अर्गु ताम चा परमेश्वरला बचनसे य्हाडथोरी
लबा गोगदेला वारेरी पढव लला । बचनरी चुहड्
भिसी पाड्बा मुला “बचनसे प्राणदेन आत्माला
न्हड न्हडधोना चाल्ना लसी फेला ।” चु ल्हानान
सेम निबा बचन मुला । म्ह गोसोम तामग्याम
स्होबा हिन्ना भिबा ताम बाइबलसे प्रष्टन घोना
लबा मुला, थे चा आत्मा, प्राणदेन ल्हुइ ठिक्सी
स्होबा हिन्ना, सत्य ताम चा परमेश्वर आबा,
परमेश्वरला भादेन परमेश्वरला आत्माला गोसोम
ताम ठिक्सी परमेश्वर दोबा हाड म्हदाएनोन थेहड्
लसीन स्होबा मुला । तर आत्मादेन प्राणना गुडरी
मुबा फरक ताम लोप्वा ग्याम गिक जे मुला, थे
चा परमेश्वरला बचनग्याम हिन्ना । चु बचन
चा प्राण तिग हिन्ना भिबा तामदेन आत्मा तिग

हिन्ना भिवा तामदा फेबारीदेन घोबारी खम्ना लवा
छ्यार्वार्वा हतियार हिन्ना ।

चु चा आरेनान आतवा मुल ताम हिन्ना,
तिग्दा भिसम य्हाडसे छार कबुल पढव लमा,
प्राणना बारेरी ल्हानान थरीग्याम पाड्वा स्याप्वा
मुला । जुन ताम चा आत्माला ताम भन्दा ठीक
उल्टो मुला । उदाहरणना लागिरी १कोरिन्थी २
अध्यायरी च्याखम्ला, पावलसे चुह्ण्ड लसी पाड्वा
मुला, जुन म्हिसे परमेश्वरला आत्मादा वास्ता
आल, थेसे परमेश्वरला आत्माला तामगदे सेमरी
आथातमुला । तिग्दा भिसम थे तामगदे परमेश्वरला
आत्माग्यामसे जे था याड्खम्ला । (पद १४ च्यागो)
थेतवासेलमा आत्मा तिग हिन्ना प्राण तिग हिन्ना
भिसी फेबारी खम्तो:ला । तर चु गे परमेश्वरला
बचनग्यामसे जे लखम्ला । परमेश्वरला बचनसे
य्हाडला जी जीदेन नखु नखुला टाडगदे फेखम्मुला ।
सजिलो तरिकासे पाड्तो:मा अप्रेसन लवा डाक्टरला
चक्कुसे क्लेबारी आखम्बादेन मनोबिज्ञान डाक्टरसे
जाँच लसीएनोन तिगै लआखम्बादा परमेश्वरला
बचनसे खम्ना लखम्मुला । य्हाडदा म्हि, खाह्ण्ड्वा
हिन्ना भिसी पूरान डोसेना लवा ग्याम चा चुनोन
हिन्ना ।

चु तामदा प्रष्ट घोना लवा खण्डरी य्हाडसे
चु तामएनोन म्हाड्ला, परमेश्वरला बचनसे य्हाडला
“खेन्वादेन सेमला जम्मान ताम च्याखम्मुला ।”
सेमला ताम च्यावा भिवा चा थेला बारेरी गिक
गिक लसी म्हाड्वादेन तिगै तामला बारेरी अभै
ज्यना लसी घोवा हिन्ना । ल्हानान दिड डाच्छा

डा भर्खरभर्खर विश्वास लबा धुइरी, तिरेकुनु म्हि गिक्से चुहड् भिसी पाड्जी, (चु ताम सदन डाला सेमरी खमुला), “चु ताम ढान्गो जुन जुन धुइरी हाडसे हाडला बाइबल पढव लसी चिबा तला, हाडला बाइबलसेनोन हाडदा पढव लसी चिबा तमुला ।” चु चा न्हीलोसेन लबा गे हिन्ना ।

चु ताम डाला लागिरी सदन ताड्बा ताम तजी, तिग्दा भिसम डाइ डाला बाइबलदा तिगै ताम था याड्बाला लागिरी पढव लसी तिगै ताम म्हाइबा म्हिसे हाड लसी जे पढव लबारी शुरु लबा मुबा । डाच्छा पढव लमा मी डाइ थेरी ल्हानान सेम सिबा तामगदे स्याप्जी । डाला सेमरी लबा पक्का तामसे जे डादा खजिवै किताबसे पढव लसीन चिबारी रोकव आलनी ।

तर डाइ पढव लबान निमा हाडला वारेरी तिगै फरक म्हन्वारी चूवा ताम था याड्जी । थे धुइधोना डादेन छ्याम जम्मान तामला जोहाव मुला भिसी म्हन्मुबा ओच्छे विद्वानगदेसे भिबा किताबसे जम्मान ताम ढिक्का लखम्ला भिसी डाइ म्हन्मुबा । तर डाइ बाइबल पढव लबान निजी, ओच्छे डाला आँट गोल्से गोल्से घटव तबान निजी ।

डादा तिग तबान मुबा डाइ घोबारी आखम्नी, दिड ल्हाना आनिमान डा खेप्वा धोबान निजीम भिबा हड् डादा छोर्जी । पाड्नोन तोःमा थे धुइरी डा बोगल गिक्से डा दिडएनोन तबा आरेवा । डाइ बाइबल पढव लबान लमा बाइबलसेनोन डादा पढव लबान मुला भिबा ताम डाइ आघोनी ।

पढव लसी जिन्वारी छ्याइबा धुइरी,

डादा चुहड् छोर्जी बेलसजर भिबा म्हि ह्वाडला भोजरी चिबा धुइरी चुहड् भिसी भित्तारी भिबा ताम म्हाड्जी “ह्वाड उमालरी कोइमा याड्बा स्याप्जी ।” (दानिएल ५:२५) डाइ म्हन्वा ताम, डाला घमण्डदेन डाइ भर लबा जम्मान ज्ञान बुद्धिला ताम परमेश्वरला बचनना डाच्छा कमजोर तबान निजी । डाइ थे धुइधोना बाइबलरी विश्वास लबा आरेबा, तसैनोन बाइबलसे ह्वाडला गे लसीन चिबा मुबा । ह्वाडसे ह्वाडला बाइबल पढव लबान लमा बाइबलसेनोन ह्वाडदा पढव लबान मुला भिबा ताम सदन सेमरी थान्गो ।

बचनसे ह्वाडला गुडरी गे लला

बाइबलसे तिग लमुला भिबा तामला बारेरी अम्है ताम गिक बढी घोबाला लागिरी बाइबलसे तिग लमुला भिबा ताम १थेसलोनिकी री च्यागे । पावलसे थेसलोनिकीरी मुबा विश्वासगदेदा चु ताम भिवान मुबा । थेनीगदेसे थार्वा पिन्वा समाचारला बारेरी ल्हानान ज्यना लसी पाड्बा मुबा । पावलसे थेनीगदेदा चुहड् भिसी पाड्बा मुला ।

“डान्से एनीगदेदा थेःना लबा बचनदा म्हिगदेला बचन आहिन तर परमेश्वरला बचन हिन्ना

भिसी विश्वास लजी । थेनोन पमेश्वरला बचनसे एनीगदेला गुडरी गे लबान मुला ।

थे तबासे लमा चुलान लागिरी डान्से सदन परमेश्वरदा धन्यवाद पिन्वा मुला ।”

१ थेसलोनिकी २:१३

बाइबलसे ह्वाडला ल्हुइरी खाहड् लसी गे लला भिबा ताम चा ह्वाडसे चुदा खाहड् लसी किन्वा मुला थे अन्ध्रार तला, अर्गु तरिकारी पाडतोःमा ह्वाडसे बाइबलदा खाहड् लसी च्याबा मुला । चुदे ह्वाडसे बचनदा म्हिसे पाड्बा ताम ह्वाड् लसी च्यावान मुला भिसम थे बचनसे ह्वाडला ल्हुइरी पूरान गे आल । चुदे ह्वाडसे परमेश्वरला बचनदा हिन्ना भिसी ह्वाडला सेमरी किन्जी भिसम थे बचनसे ह्वाडला ल्हुइरी शक्तिशाली गे लला ।

जुन जुन धुइरी ह्वाडसे बाइबल पढव लला, थे थे धुइरी ह्वाडसे परमप्रभुदा चुहड् भिसी पाड्गो, “चु ह्वाडला बचन हिन्ना भिसी डाइ विश्वास लला, ह्वाडसे जुन गेला लागिरी बचन पुइखवा हिन्ना, डाला जम्मान गेरी ओच्छे, आत्मा, प्राणदेन ल्हुइरी बचनदा गे लपुड्गो, तिग्दा भिसम चु बचनरी डाइ विश्वास लमुला ।”

य्हाडदा तोःबा जम्मान स्हे

पत्रुससे ल्हानान घेन ताम गिक पाड्बा मुला, चु ताम चा बाइबलला अर्गु खजिबै ग्लारी आस्याप्मुला । अर्गु चेलागदेसे बरु हेडबा तामगदे भिजी, ओच्छे चु सत्य ताम चा थे हेडबा भिबा तामला गुडरीक्यार लखमुला ।

“.... परमेश्वरसे ह्वाडला घेन शक्तिग्याम थेसे म्हन्वा अन्ध्रारला म्हि स्होवाला

लागिरी थेसे य्हाडदा तोःबा जम्मान स्हे पिन्मुला.....।” २ पत्रुस १:३

चु ल्हानान उदेकला ताम मुला, चु पदसे परमेश्वरला घेन शक्तिसे व्हाडदा जुन सुकै धुइरी आरेनान आतवा जम्मान स्हेगदे व्हाडदा पिन्सी जिन्वा मुला । चु ताम थे:सी हाडसे चुहड् भिसी पाड्ला तला, “परमेश्वर थेहड् भिसम डादेन छ्याम मी मुला हाड डाइ म्हन्वा आरे खाइ खानड् मुला ?”

व्हाडदा अर्गु पदसे चुहड् भिसी पाड्वा मुला, “.....थेहड् लसीन परमेश्वरसे पिन्ना भिसी लबा ग्लुसीन आयाड्वा घेन कबुलगदे परमेश्वरसे व्हाडदा पिन्वा मुला । चु चा जम्बुलिडरी मुबा नाश तसी निवा आज्यवा तामगदेग्याम थोन्सी परमेश्वरला बानीवेहोर थोसी भ्रवाला लागिरी हिन्ना ।” पद ४

चु खण्डग्याम व्हाडसे चुनोन ताम था याड्वा मुला, परमेश्वरसे हाडला घेन शक्तिग्याम थेसे म्हन्वा अन्छारला म्हि स्होवाला लागिरी थेसे व्हाडला ल्हुइदा तो:बा जम्मान स्हे पिन्वा मुला । चु तामगदे परमेश्वरसे लबा कबुलरी मुला, डाइ चु ताम स्याप्सी जिन्वा मुला । “परमेश्वरसे लबा कबुलगदेरी तयार लसी जिन्वा मुला ।” थेतबासेलमा चुदे व्हाडसे परमेश्वरसे पिन्वा स्हेगदे याड्वा सेम लबा मुसम व्हाडसे थे तामगदे परमेश्वरसे लबा कबुलगदेग्याम किन्तो:ला । तिग्दा भिसम थे कबुलगदेरी व्हाडदा जुनसुकै धुइरी तो:बा जम्मान स्हेगदे मुला ।

परमेश्वरला बानीबेहोरदा थोबा

परमेश्वरसे लबा कबुलदेन छ्याम
छ्यामनोन तयार लबा जम्मान तामगदे येशूला
ज्ञानग्याम खमुला, तिग्दा भिसम परमेश्वरला
बचनसे येशूदा उन्बा मुला । उदेकला ताम मी
चुरी मुला, (चुदे चु ताम बाइबलरी प्रष्टन आभिवा
हिन्सम डाइ चु ताम पाइबा आँट आलसेला मुबा) ।
चु चा य्हाड परमेश्वरसे लबा कबुलरी छ्याम
तबाग्यामसेन य्हाड परमेश्वरला बानीबेहोरदेन
छ्यामनोन तखम्ला । जमाहेन्से चु जम्बुलिडरी मुबा
नाश तसी निबा आज्यबा तामगदेग्याम थोन्सी
भ्रबारी खम्ला ।

य्हाड चुरी ल्हानान होशियार ततोःला,
तिग्दा भिसम दान्दे धोका पिन्बा खाल्ला तामगदे
लोप्वान मुला, चु चा तिनीन्हङ्गर ल्हानान थोन्बा
मुला । चु ह्हाड लसी लोप्वाम ताम चा चुदे ह्हाडदा
ल्हानान म्हिसे डोसेजी भिसम ओच्छे ठीक ताम
लजी भिसम ह्हाड परमेश्वर दोखम्ला भिबा हिन्ना ।
ह्हाडसेनोन चुह्हाड लोप्वाम ताम स्याप्जी तला ।
चुह्हाड तामदा छार धुइरी लोप्वाम ताम भिसी
पाइमुला । हिन्दु धर्मला ठिमदेन स्यारपट्टिला
म्हिगदेला ठिमला ताम दोइसी, चु दान्देला
छार ठिम लोप्वाम मुला । चुदे ह्हाडदा ल्हानान
म्हिसे डोसेजी भिसम ह्हाड परमेश्वर दोखम्ला ।
(मोरमोनसेनोन चुनोन ताम लोप्वाम मुला, थेनीगदेसे
शुरुरीन म्हिगदेला डोन्छाडरी चु ताम आलोप्वाम
मुला तर लिच्छा लिच्छा निसी लोप्वाम मुला) ।

डाइ ह्वाडदा चु ताम पाड्ला, चु ताम चा पूरान फट्टा हिन्ना । चुरी य्हाडसे घोनोन तोःबा ताम गिक मुला । परमेश्वरदा खालैसे स्होबा आहिन, य्हाडदा चा परमेश्वरसे स्होबा हिन्ना । परमेश्वरसे स्होबा स्हे खालैसे आस्होबा परमेश्वर दोबारी आखम । परमेश्वरसे स्होबा स्हेसे डा परमेश्वर हिन्ना भिसी पाड्बा चा धोका पिन्वा हिन्ना । तर य्हाड परमेश्वरला बानीवेहोरदेन छ्याम तसी थेसे लबा कबुल याड्बा मुला, ओच्छे थे अन्छार भ्रवारी खम्मुला ।

चु तामला वारेरी डाइ सदन याकूबसे म्नाड्बा चामला वारेरी खेन्वा मुला, याकूबसे म्नाड्बा म्हाड ह्वाडसे ढान्वा मुला तला । थे ह्वाडसे लबा गेसे लमान तोड तोडबा ग्लारी मुबा ओच्छे, थेसे युडबाला खुम लसी म्हेर्जी । छुप निमाहेन्से थेसे म्हाडरी स्वर्गधोना दोबा चाम गिक म्नाड्जी । थे चामला टा चा जम्बुलिडरी जूबा मुबा ओच्छे, जो चा स्वर्गरी मुबा । थेनोन चामग्याम परमेश्वरला दूतगदे मार फप्वादेन तोर निवान लबा मुबा । ओच्छे, येशू ह्वाड चा चामला जम्मान भन्दा थोरी मुबा । थेसे म्हाडरी याकूबदेन छ्याम बात लजी ।

वाइवलला अर्गु अर्थ गिक चा याकूबसे म्नाड्बा चाम ह्वाडबान हिन्ना । कबुल लबा जम्मान तामगदे चा चामला लि गिक हिन्ना । जुन धुइरी ह्वाडसे परमेश्वरसे लबा कबुलदा चलब लला, थे धुइरी ह्वाड चामला लि गिक तोर क्रेला । ओच्छे, थेसे ह्वाडदा स्वर्गरी दोना लला ।

ह्वाडसे वाइवलदा खाइमै हेला थालउ, चु

ह्वाडदा ज्यवा तना लबादेन ह्वाडसे लबा जम्मान
गे ज्यना लसी जिन्ना लखम्बा साँचो हिन्ना ।
चु परमेश्वरसे य्हाडदा पिन्वा ग्लुसीन ग्लुआखम्बा
उपहार हिन्ना ।

दान्दे य्हाडदेन छ्याम ल्हानान बाइबल
मुला भिसी छिनाड खेनो । य्हाडसे अनुवाद लबा
बाइबल चलब लबा की अर्गु चलब लबा, थे धोना
लसी पाड्बा जे हिन्ना भिसी म्हन्वा की भिबा ताम
जे भिसी म्हन्वा । तर चु ताम ढान्गो, तिरेमएनोन
बाइबला आच्यावा म्हिगदे दान्दे लाखौ लाख मुला । चु
तामएनोन ढान्गो, शुरुला शताब्द्री ह्वाडदेन डाला
लागिरी बाइबल जोगब लसी थान्वारी ल्हानान
हेम्कोलादेन म्निडकोलागदेसे ह्वाडला ज्याननोन
पिन्वा मुला । य्हाडसे चु बाइबलदा मान लसी
चलब लाइ ओच्छे य्हाड बाइबलदा मान लबा
म्हि दोगे । तिग्दा भिसम ल्हानान ग्यामगदे न्हडरी
परमेश्वर य्हाडला ल्हुइरी फेप्खवा ग्याम चा चुनोन
हिन्ना ।

परमेश्वरला बचनसे लबा गे

दाहेन्से य्हाडसे औधिन ताड्बा खबा
तामला बारेरी च्यागे । बाइबलसे य्हाड न्हडरी ल्हानन
शक्तिशाली गे लमुला भिसी पावलसे थेसलोनिकी
गदेदा पाड्बा ताम य्हाडसे डाच्छान च्यासी जिन्वा
मुला । तिग्दा भिसम य्हाडसे बाइबलदा विश्वास
लमुला । (१थेसलोनिकी २:१३) थेतबासेलमा
परमेश्वरला बचन य्हाडला ल्हुइरी तमुला भिबा

गोर कू गेगदे डाइ पाड्बा सेम मुला अथवा परमेश्वरला बचनसे व्हाड न्हडरी खाह्ण्ड लसी गे लमुला भिवा गोर कू गेगदे चुगदेन हिन्ना:

१. विश्वास

व्हाड सुरुरी रोमीला कितावग्याम
च्यागे, विश्वास चा थाबा पिन्वा समाचार
थे:सी खमुला,

ओच्छे थे थाबा पिन्वा समाचार चा
खीष्टला वारेरी पाड्बा ताम हिन्ना ।

रोमी १०:१७

चु ल्हानान ज्यवा बचन हिन्ना । चु बचन डाला लागिरी आरेनान आतबा ताम हिन्ना । तिगदा भिसम तिरेम डा भ्याडपट्टिला तोड तोडबा अफ्रिका भिवा व्हुल्सारी तिदिडधोना डा ढिला रोगसे स्याव्वासे लमा अस्पत्तालरी चितो:जी । थे ग्लाला क्युइ लाबासे लमा डाक्टरसेनोन डाला ढिला रोग म्हना लवारी आखम्नी । म्हना लआखम्माहेन्से थेनीगदेसे चु रोगदा क्रोनिक एच्जेमा तजीम भिसी पाड्जी । (पाड्-नोनतोमा दान्देनोन थेनीगदेसे चु रोगदा म्हना लवारी खम्बा आरे) । थे धुइरी डाइ भर्खर जे प्रभुदा विश्वास लबा मुबा । ओच्छे डाइ ह्वाडसे ह्वाडदान चुह्ण्ड भिसी पाड्मुबा, “डादा था मुला चुदे डादेन छ्याम विश्वास मुबा हिन्सम परमेश्वरसे डादा खम्ना लसेला मुबा ।” ओच्छे, अर्गु ताम गिक चा डाइ सदन चुह्ण्ड भिसी पाड् मुबा, “तर डादेन छ्याम विश्वास आरे ।” थे धुइरी जोन बन्यानसे ‘धर्मकर्म लबागदेला प्रगति’

भिवा कितावरी जुन ताम पाड्वा मुबा थेनोन ताम अन्ध्रार डा भ्रवान मुबा । “सेम सिना लबा स्हेला फी अथवा सेम सिना लबा ग्ला” तिरेकुनु थे धोपधोप्वा ग्लारी ल्हानान य्हाल य्हाल्वा धिनीला हडवा स्हेर खजी । थे य्हाल चा रोमी १०:१७ पदग्याम खबा मुबा । “विश्वास चा थार्वा पिन्वा समाचार थे:सी खमुला..” चुदे ह्वाडदेन छ्याम अरेसाम ह्वाडसे चु अयाड, ओच्छे विश्वास अरेसाम ह्वाड चिआतो: । विश्वास चा ... परमेश्वरला बचन थे:माहेन्से खमुला ।

छार कबुलला धुइरी ल्हाना हड्वा म्हिगदेसे ह्वाड गिक जे मुसैनोन घेन काइ तेसी पढव लमुबा, उदाहरणला लागिरी य्हाडसे चु ताम च्याखम्ला । चु ताम य्हाडदा थानोन मुला, इथोपिया भिवा य्हुल्साला नपुंसक ह्वाडलान रथरी चिसी यशैया अगमवक्तासे भिवा किताव पढव लवान मुबा ओच्छे थेसे पढव लवान लबा फिलिपसे थे:जी । तसैनोन थेसे थे बचन ह्वाडलान लागिरी पढव लवान मुबा (प्रेरित ८:२६-३९ च्यागो) । घेन काइ तेसी पढव लतो:वा तामला बारिरी थेरी तिगै ताम पाड्वा मुला, तिग्दा भिसम ह्वाडसे पढव लबा ताम ह्वाडसेन थे:ला ओच्छे थे:माहेन्से विश्वास खला । चु परमेश्वरला बचनग्याम याड्वा छार ताम गिक हिन्ना ।

२. छार धोसी न्हवा

य्हाड परमेश्वरला बचनग्याम दो:सी न्हवा मुला । याकूबसे परमेश्वरला बारिरी चुहड् भिसी पाड्वा मुला, परमेश्वरसे ह्वाडलान सेमसे सत्य

बचनग्याम य्हाडदा ह्वाडला म्हि स्होजी ।

तिग्दा भिसम परमेश्वरसे स्होवा
जम्मान स्हेगदे न्हडरी य्हाडदा

चा थेसे ह्वाडलान लागिरी धम्जी ।

याकूव १:१८

परमेश्वरसे तिग्दा चुह्ण्ड लजी ह्वाडदा था मुला ? तिग्दा भिसम परमेश्वरसे थेह्ण्ड लबारी पक्का लसी जिन्वा मुबा, थे बाहेक अर्गु तिगै ताम आस्याप्वा मुला । य्हाडसे शुरुला ताम च्याजी भिसम मी थे जम्मान ताम परमेश्वरसे पक्का लसी जिन्वा तामग्यामनोन शुरु तबामुला । परमेश्वरसे ह्वाडलन लागिरी म्हिगदेदा ह्वाडला डाच्छा पट्टि भबारी पक्का लबा मुबा । परमेश्वरसे ह्वाडला बचनग्यामनोन थे म्हिगदे ह्वाडला डाच्छा पट्टि भबारी पक्का लबा मुबा । थे तबासे लमान ह्वाडदेन डाइ परमेश्वरदा डोसेम्याडबा मुला । य्हाडदा परमेश्वरला छार म्हि स्होवा मुल ताम चुनोन हिन्ना, थे चा परमेश्वरला बचन मुबा । चुनोन ताम ग्यामसे पत्रुससे चुह्ण्ड भिसी पाड्मुला ।

“दाहेन्से एनीगदेसे सत्य ताम
इयान्सी ह्वाडला सेम चोखो स्होवा मुला ।

थेतबासेलमा एनीदेसे ह्वाडला
ज्यो ज्यो आले नाना आडादा चोखो माया
लमुला ।

ओच्छे गिकसे गिकदाएनोन
सेमहेन्सेन चोखो माया लउ । तिग्दा
भिसम

एनीगदेसे खाइमै नाश आतबादेन
छोन्वो परमेश्वरला बचनग्याम नाश तसी

आहिन, तर नाश आतबा छार
जुनी याइन्वा मुला ।” १ पत्रुस १:२२-२३

सत्य ताम इयान्सी थे अन्छार भ्रवासे
लमा ह्वाडसे ह्वाड्ला आत्मादा चोखो स्होमुला भिबा
ताम था याइगो । सत्य ताम थे:सी जे आहिन तर
सत्य ताम इयान्सी थे अन्छार भ्रसी हिन्ना । थे
अन्छार भ्रवासे लमा याइबा मोलम चा सत्य माया
हिन्ना ।

खाइमै अन्होइबा ब्लु चा परमेश्वरला
बचनना ब्लु हिन्ना, चुद य्हाडसे सेमहेन्सेन विश्वास
लसी सेमरी थान्माहेन्से चुसे छार तसी न्हना लमुला ।
चु ब्लु चा आन्होइबा ब्लु हिन्ना, ओच्छे चु ग्याम
थोन्वा जुनी चा आन्होइबा तमुला । ब्लु खाहइबा
मुला भिबा चा थेग्याम याइबा जुनीसेन पक्का
लमुला । चुदे ह्वाडसे स्याउला ब्लु सुजी भिसम थे
ग्याम सुन्तला दोड आफुइ । ब्लुग्यामसेन खाहइबा
जुनी याइला भिबा ताम थायाइला । परमेश्वरला बचन
खाइमै अन्होइबा बचन हिन्ना, ओच्छे चुग्याम याइ
बा जुनीएनोन खाइमै आन्होइ । चु परमेश्वरग्याम
याइबा चोखोदेन जुक जुकधोनाला जुनी हिन्ना ।

३. आत्माला लागिरी तो:बा स्हे

ह्वाड तिरेम दो:सी न्हसी जिन्माहेन्से ह्वाडदा
तो:बा स्हे चा चवा थुइबा हिन्ना । उदेकला ताम चा
चु मुला, आत्मारी बढव तबान निबाला लागिरी आरेनान
आतबा जम्मान भन्दा ज्यवा स्हे चा परमेश्वरला

बचनग्यामसे याड्मुला । आत्मारी ह्वाड जजावा
कोला मुमा, ह्वाडदा इहे थुडतोःला । पत्रुससे चु
ताम अर्गु अध्यायरी पाड्वा मुला ।

“लैनु कोलासे इहे थुड्वारी म्हाइवा
ह्वाड लसी एनीगदेसे चा परमेश्वरला सत्य
बचनदा म्हाइगो ।

तिग्दा भिसम चु बचनग्यामनसेन एनीगदे
ह्वाडसे याड्वा थावारी ल्हेवान निला ।”

१ पत्रुस २:२

ह्वाड तिरेम दोःसी न्हसी जिन्माहेन्से,
परमेश्वरला बचन चवाला लागिरी फो खेन्तोःला ।
ल्हानान विश्वासीगदेसे चुह्वाड भिसी पाड्मुला,
थेनीगदे दोसी न्हमाहेन्से थेनीगदेसे बाइबल पढव
लवारी म्हाइ मुला । य्हाड दोःसीनोन तिगै रोग
आरेवा फो खेन्वा लैनु कोला ह्वाड तसी न्हवा मुला ।
चु ह्वाड लसी न्हवा चा य्हाडसे खुराक चगै भिसी
हिन्ना ।

जमाहेन्से य्हाड बढव तवान निला, आच्छे,
य्हाडदा गेड ह्वाडवा कोड्वा चवा स्हे तोःला ।
शैतानसे येशूला सेम च्यासी युडवादा गेड स्होड
भिसी पाड्मा येशूसे शैतानदा चुह्वाड भिसी सुड्जी ।

“गेडसे जे म्हि आसो, तर परमेश्वरला
सुड्ग्याम थोन्वा जम्मान बचनसे सोवारी

खम्ला भिसी परमेश्वरला बचनरी भिवा
मुला ।”

मत्ति ४:४

परमेश्वरला बचन इहे जे आहिन गेडएनोन हिन्ना ।

य्हाड भन घेन तवान निमाहेन्से कोड्बा चबा स्हेगदे तोःला । चुएनोन य्हाडदा पिन्बा मुला, हिब्रूला किताब भिबा म्हिसे हिब्रू ५ अध्यायरी यहूदीगदेदा चुह्रड् भिसी पाड्मुला । डाच्छाहेन्सेन परमेश्वरला बचनना बारेरी ज्ञान मुबा म्हिसे थेनीगदेदा य्हाड न्हडला खालैदा परमेश्वरसे चुह्रड् भिसी सुडबारी म्हाइबा मुला भिसी पाड्बा मुला । “एसे चु भन्दा एनोन अभ्र ल्हाना ज्यना लसी लतोःमुबा ।” थेनीगदेदेन छ्याम परमेश्वरला बचनना ज्ञान मी मुबा तर थेनीगदे थे अन्ध्रार भ्रवा आरेमुबा ।

“तिनीधोना मी एनीगदे स्थान्दोदा लोप्खम्बा म्हि ततोःमुबा । तर एनीगदेदा मी

अभ्र परमेश्वरला बारेरी जजाबा तामगदेएनोन स्थान्दो म्हिसे लोप्तोःबा मुला ।

थेतवासेलमा एनीगदे चबा स्हेला साटोरी अभ्र इहे थुड्बा कोलागदे ह्रड्बान मुला ।”
हिब्रू ५:१२

थेनीगदे पाको म्हि दोबा आरे भिसी खाह्रड् लसी था याड्ला ? थेनीगदेसे ल्हानान सजिलो सत्य ताम भन्दा अर्गु घेन घेन सत्य ताम घोबारी आखम्नी ।

“एनीगदे इहेला भररी जे सोबा
कोलागदे हड्बा म्हिसे चा ज्यवादेन नड्बा
तिग हिन्ना

थे ताम था आत । तर चबा स्हे चबा
घेन म्हिसे चा धिन धिननोन ह्वाडसे लबा

गेग्याम ज्यवादेन नड्बा तिग हिन्ना थे
ताम था याड्बला ।” पद १३-१४

पाको म्हि दोबाला लागिरी ह्वाडसे ज्ञान
बुद्धिदा चलब लबाला लवान लतोःला । ह्वाड
परमेश्वरला बचनसे पाड्बा अन्ध्रार भ्रतोःला ।
होहड् लसीन ह्वाड खाहड् लसी भ्रमुला भिवादेन
ह्वाडसे खाहड्बा शक्तिला संगत लवान मुल भिवा
ताम था याड्बारी परमेश्वरला बचनदा चलब
लतोःला । पाको म्हि दोसी भ्रवा ग्याम चा चुनोन
हिन्ना ।

चुदे ह्वाडसे खाड्मै परमेश्वरला बचनदा
ह्वाडला सेम न्हडरी आथान्नी भिसम ओच्छे चुदे
ह्वाड परमेश्वरला बचन अन्ध्रार आभ्रनी भिसम
ह्वाड खाड्मै पाको म्हि दोबारी आखम । ह्वाडसे
इहेदेन जजाबा गेड बाहेक अर्गु कोड्बा चबा
स्हे खाड्मै चबारी आखम । तर कोड्बा चबा
स्हे चा सदन परमेश्वरला बचन चलब लबा म्हिला
लागिरी जे हिन्ना । अथवा सदन बचन अन्ध्रार
भ्रबारी म्हाड्बादेन सेम लसी बचनदा सदन ह्वाडला
लहुइरी गे लपुड्बा म्हिला लागिरी हिन्ना ।

४. ज्ञान बुद्धि खबा

व्हाइला किताबला ११९ अध्यायरी ल्हानान
म्हदागदेदा था तबा पदरी, व्हाइ भिबा म्हसे
परमेश्वरदेन छ्याम चुहड् भिसी पाड्मुला ।

“ह्वाडसे लोप्वा तामला अर्थ खोलव
लसी पिन्ना डान्से जम्मान ताम घोमुला ।

ओच्छे बुद्धि आरेबा म्हगदेसे बुद्धि
याड्मुला ।”

व्हाइला किताब ११९:१३०

परमेश्वरला बचन ह्वाडला दिमगदेन सेमरी
खमाहेन्से थेसे ह्वाडला सेमला मी ठोड्सी पिन्ना ।
चु चा पढव लसी याड्बा ज्ञान बुद्धि भन्दा फरक
मुला । ह्वाड ल्हानान पढव लबा म्हि मुसै धोप धोपरी
तखम्ला, चु ताम डाइ खाहड् लसी था याड्से ?
तिगदा भिसम डाइ ल्हानान पढव लबा मुबा, तर
परमेश्वरला बचनसे डा न्हडरी य्हाल आपिन्देधोना
डा धोप धोपरीन तला । पढव लसी जम्मान ताम
घोबारी आखम्मुला भिबा ताम थाम्लेगो ।

तिगै दिड डाच्छा डा स्यारपट्टिला अफ्रिका
य्हुल्साला विद्यार्थी गिकदेन छ्याम ताम लवान
मुबा, थेला उदेश्या गिक चा ल्हानान पढव लबा
सेम मुबा । थेनीगदेला लागिरी डाइ बाइबलग्याम
जजाबा किताब गिक भिजी । थे किताबला मिन
“ह्वाड ल्हानान पढव लबारी म्हाइवान मुला, तर
तिग ह्वाडसे ज्ञान बुद्धिएनोन म्हाइवान मुला ?”
भिबा हिन्ना, डाइ थे किताबरी चु तामएनोन

भ्रिवा मुला, ज्ञान बुद्धिदेन पढाइ गिकनोन आहिन
जम्बुलिडरी तबा ल्हाना ह्वाडा दुख चा पढब लबा
मुखगदेसे लमा तबा हिन्ना । डाइ चु सत्य ताम
पाङ्मा कोइ कोइ म्हिगदे उदेक तजी ।

अमेरिकाला जम्मान भन्दा डाच्छाला
राष्ट्रपति थिओडोर रोसेवेल्टसे तिरेम चुह्वा भिसी
सुड्वा मुबा, “चुदे खालै म्हि गिक य्हो हिन्सम
थेसे रेलला ग्यामरी मुबा गाडी य्हो लला, तर
ह्वाडसे थेनोन म्हिदा पढब लबा म्हि स्होजी
भिसम थेसे रेलला ग्यामला पूरान फाइनोन य्हो
लला ।” ह्वाडनीसे चु ताम ढनो, पढब लबा ताम
ज्यवा हिन्ना, तर पढाइ य्हाल आहिन, अम्ह डाइ
सत्य ताम पाङ्तोःमा ल्हानान पढब लबा कोइ
कोइ म्हिला सेम ल्हानान धोपधोपरी तमुला,
परमेश्वरला बचन न्हडरी वाङ्सी जे य्हाल खमुला ।

५. ल्हुइला रोग फान्बा

परमेश्वरला बचनसे ल्हुइला रोग फान्ना
लमुला, चु ताम डाइ डालान ल्हुइरी तबा तामग्याम
पाङ्खम्ला । दाहेन्से य्हाडसे व्हाइला किताब १०७
अध्यायरी च्यागे:

“कोइ कोइ म्हिगदे चा थेनीगदे ह्वाडसेन
परमेश्वरला बिरोध लबासेलमा मुख दोजी ।

ओच्छे थेनीगदे ह्वाडलान पापसेलमा
आपतविपतरी परब तजी । ”

व्हाइ १०७:१७

व्हाड आज्यबा ताम अन्ध्रार भ्रसी व्हाड
 न्हडरी कोइ कोइदा तबा दुःखसे ह्वाडदा थेहड् तबा
 मुला ? निबा दिडगदेरी डा मुबा ग्लारी फान्वाला
 लागिरी ल्हानान म्हिगदे प्रार्थना लबारी खबा मुबा ।
 थेनीगदेला ल्हुइरी खबा दुख चा थेनीगदे ह्वाडनोन
 परमेश्वरला बचन अन्ध्रार आभ्रबासेलमा हिन्ना
 भिबा ताम थेनीगदे न्हडला कोइ कोइसे जे ढन्मुला ।
 ओच्छे थेनीगदे ह्वाडलान पापसेलमा आपतविपतरी
 परब तजी भिसी परमेश्वरला बचनसे पाड्बा
 मुला ।

तसैनोन परमेश्वरला बचनसे थेनीगदेला
 पापदेन आज्यबा गेसे दुःख याड्बासेलमा थेनीगदेदा
 मुर्ख भिसी पाड्मुला,

“थेनीगदेदा चबा स्हे सुत्ता चाइ
 आम्हन्वा सिबारीन छ्याइबा मुबा । जमाहेन्से
 थेनीगदेसे

ह्वाडला दुखरी परमप्रभुदा बिन्ती
 लजी ओच्छे परमप्रभुसे थेनीगदेदा जम्मान
 दुखग्याम फेजी ।

परमप्रभुसे ह्वाडला बचनग्याम
 थेनीगदेदा खम्ना लसी सिबाग्याम सोना
 लजी ।”

व्हाइ १०७:१८-२०

थोरी पाड्बा म्हिगदे चा सिबारीन
 छ्याइबा मुबा, थेनीगदेला लागिरी डाक्टरसेनोन
 तिगै लबारी आखम्नी । डाइ पाड्बारी म्हाइबा

ताम चा थेहडबा म्हिसे सिबारीन आछ्याइधेधोना प्रार्थना आलमुला भिवा हिन्ना । व्हाइ १०७ अध्यायरी पाड्बा म्हिगदे सिबारीन छ्याइबा मुबा, थेनीगदेला सेमरी प्रार्थना लजी भिसम फान्ना तला भिसी म्हन्जी । प्रार्थना लबासेलमा परमेश्वरसे ह्वाडला वचन पुइखजी ओच्छे, फान्ना लजी ।

परमेश्वरसे ह्वाडला वचन पुइखमा गोर सोम गे लमुला भिवा ताम था याड्गो । चु गोर सोम गेगदे चा शैतानना शक्तिग्याम फेना लबा, फान्ना लबादेन थाना लबा हिन्ना । परमेश्वरसे ह्वाडला दयामायाग्याम लबा गोर सोम घेन गेगदे चा पापग्याम थाना लबा, रोगग्याम फान्ना लबादेन शैतानना शक्तिग्याम फेना लबा ताम हिन्ना, चु गोर सोम गे चा परमेश्वरला वचनग्याम पूरा लबा ताम हिन्ना ।

ल्हानान खीष्टियनगदेसे ह्वाडथोरी या थान्सी प्रार्थना लसी फान्ना लगै भिसी परमेश्वरला वचन थेःना लबा म्हि म्हाइसी भ्रमुला । हिन्वम थेनीगदेदा ज्यबा तला तला, ल्हानान म्हिगदे डाइ थेनीगदेला लागिरी प्रार्थना लजी भिसम थेनीगदे फान्ना भिवा म्हन्सी डा मुबा ग्लारी खमुला । तर थेनीगदे आफान्नी, तिग्दा भिसम थेनीगदेसे परमेश्वरदा आच्याना डेरेक प्रिन्सदा जे च्यामुला भिसी डाइ घोजी । तर डाला ताम ड्यान्गो, चुदे ह्वाडसे परमेश्वरला वचनदा सेमरी थान्जी भिसम ह्वाडदा खालैसे प्रार्थना आलसैनोन फान्ना । तिग्दा भिसम परमेश्वरसे ह्वाडला वचन पुइखसी थेनीगदेदा फान्ना लजी, ओच्छे, थेनीगदेदा दुखग्याम फेजी ।

चु डादा सेम निबा पद हिन्ना, खजिवै
डाक्टरसे फान्ना लआखम्बा रोगग्याम डादा चु
पदला बचनसे फान्ना लसी अस्पतालग्याम ते:जी ।
चु बचन हितोपदेश ४:२०-२२ पदला ताम हिन्ना,
चु बचन डाइ किड जेम्स बाइबलग्याम पढव लबा
मुला ।

“डाला भा, डाइ पाड्वा तामरी
सेम लउ, ओच्छे डाला बचन ज्यना लसी
ड्यानागो ।

थेदा एला सेमग्याम निआपुड्गो, बरु
एला सेम न्हडरी थानागो । तिग्दा भिसम
डाला बचन

घोवा म्हिसे जुनी याड्ला, ओच्छे थेदा
तिगै स्हुस्हेरसे आथुर ।
हितोपदेश ४:२०-२२”

परमेश्वरसे चुहड् सुड्वा बचन य्हाड्ला
पूरान ल्हुइदा सदन फान्ना लसी थान्वा स्हे हिन्ना ।

डा थे अस्पतालरी ला निसधोना चिजी ।
डादा डाक्टरसे फान्ना लआखम्नी, ओच्छे डाइ
चुहड् भिवान मुबा, “चुदे डादेन विश्वास जे मुबा
हिन्सम परमेश्वरसे डादा फान्ना लसेला मुबा ।”
जमाहेन्से डाइ हाडदा दोलो पाड्वा बचन स्याप्जी ।
“विश्वास चा थार्बा पिन्वा समाचार थे:सी खमुला,
ओच्छे थे थार्बा पिन्वा समाचार चा खीष्टला बाररी
पाड्वा ताम हिन्ना ।” जमाहेन्से डाइ परमेश्वरथोरी
आश लबारी छ्याइजी । डाइ छार आश किन्सी
परमेश्वरला बचन दो:सी पढव लबारी छ्याइजी ।
तसैनोन डाला रोग जस्तोला तस्तोन चिजी ।

डा अनुसन्धन लबा विद्वान म्हि मुबा । अनुसन्धन लबा म्हिला गे चा सजिलो तामदाएनोन गाहो स्होबा हिन्ना । थेतबासेलमा डाइ परमेश्वरला बचनदाएनोन सजिलो लसी किन्आखम्नी । डाइ परमेश्वरसे लबा कबुलगदे न्हडरी परमेश्वरसे फान्ना लला भिबा बचन पढब लजी । तर डाइ चुहड्बा ताम खेन्जी, “थेला अर्थ चा परमेश्वरसे डाला आत्मादा जे फान्ना लमुला, डाला ल्हुइदा परमेश्वरसे फान्ना लबारी सेम आलमुला । ल्हुइ चा सिसी नाश तसी निबा स्हे हिन्ना ।” “डाला आत्मा एसे परमप्रभुला जयजयकार लउ,.....थेसे एला जम्मान पाप माफ लमुला । ओच्छे एला जम्मान रोगगदे म्हना लमुला ।” (व्हाइ १०३:१,३) “चुला अर्थ चा डाला आत्माला रोग जे तबारी खम्ला भिसी डाइ हाडनीदा पाड्ला ।”

“तर हितोपदेश ४:२०-२२ पदला ताम पढब लमाहेन्से डा कुटीसी चिआखम्नी । थेरी परमेश्वरसे प्रष्टन सुड्बा मुला, परमेश्वरला बचन घोबा म्हिसे जुनी याड्ला, ओच्छे थेदा तिगै स्हुस्हेरसे आथुर ।” थे बचनग्याम डाइ पाड्बारी म्हाइबा चा “अनुसन्धन लबा विद्वानसे अर्गु जम्मान स्हे स्होखम्ला तर ल्हुइ चा स्होआखम । तर परमेश्वर ला बचन चा डाला पूरान ल्हुइदा सदन फान्ना लबा स्हे हिन्ना ।”

डाइ बाइबलला कुनीपट्टि अर्थरी भिबा ताम च्याजी, थेरी “फान्ना लबा स्हे” भिबा तामला अर्थ चा “मन” मुबा । जमाहेन्से सिपाहीसे मन भिसी तिग भिबारी म्हाइबा भिबा ताम

घोजी । ओच्छे डाइ सेमरी हाडसे हाडदान चुहड् भिसी भिजी, “मिहगदेसे मन खाहड् लसी चमुला भिसी ड्योइमा” थेला जोहाव चा कान चमाहेन्से धिन्ना सोमरेम चवा मुला । थेतवासेलमा डाइ थेहड् नोन लजी । थेहड् बान ला सोम ब्लि लिच्छा डाइ परमेश्वरला बचनदा मन हड् लसी धिन्ना सोमरेम कान चमाहेन्से पढव लबारी छ्याइजी । डाइ बचन पढव लसी विश्वास लबासेलमा परमेश्वरसे डादा सदनना लागिरी पूरान फान्ना लजी । ओच्छे जम्बुलिड नाडलान यहुल्सागदे न्हडरी ल्हानान आज्यवा लाबा क्युइ मुबा सुडान हड्बा यहुल्सारीनोन परमेश्वरसे डादा जोगव लसी थान्जी ।

६. पापदेन शैतानदा ढावा

व्हाइ ११९ री व्हाइ भिवा मिहसे य्हाडदा चोखोदेन ढावा जुनीला वारेरी य्हाडला सेमसे ड्योइबा जम्मन ताम घोना लमुला

“भ्योन मिहगदेसे खाहड् लसी हाडला बानीवेहोरदा चोखो थान्खम्ला ? परमेश्वरसे कुल्बा ताम अन्ध्रार भ्रसीन हिन्ना । हाडला विरोध लसी पाप लआतोःगै भिसी डाइ हाडला बचन डाला सेमरी थान्वा मुला ।”

व्हाइ ११९:९,११

तिनीन्हडगर ल्हानान भ्योन मिहगदेसे चुहड् भिसी पाड्मुला, तिग पक्कान चोखो ल्हुइ थोःसी भ्रवारी खम्ला ? थेनीगदेदा लोप्पा ल्हाना हड्बा मिहगदेसे चु तनोन आखम भिसी थेनीगदेदा पाड्मला । कोइ कोइ लोप्पा थेहड्बान

म्हिंगदेसे “होशियार तसी लसम अर्गुदेन छ्याम ब्रेत्सी भ्रसैनोन आन्होड,” भिसी पाड्मुला । पाड्नुोन तोःमा थेसे जस्तोन होशियार तसी लसैनोन न्होड्ना लमुला । तर बाइबलरी चुहड् भिसी पाड्मुला । परमेश्वरला बचन अन्धार भ्रवारी म्हाइबा भ्योन म्हिसे ह्वाडला ल्हुइदा चोखो थान्खम्मुला ।

डाला सेमहेन्सेन परमेश्वरदा धन्यवाद फुल्ला, डाइ अफ्रिकाला भ्योन म्हिंगदेला गुडरी गे लमाहेन्से चु बचनगदे धुइ धुइरी पूरा तबा म्हाड्वा मुला । चु म्हिंगदेदा चोखो स्होबा मुबा ओच्छे थेनीगदे चोखो ल्हुइ थोःसी भ्रवा मुबा । तिगदा भिसम थेनीगदेसे परमेश्वरला बचन सेम लसी ड्यान्मुबा । तिरेकुनु म्हि गिकसे चुहड् भिसी पाड्मुबा: “ह्वाडदा पापसे बाइबलग्याम थारेड थान्ना, कि बाइबलसे ह्वाडदा पापग्याम थारेड थान्ना ।”

व्हाइला किताब भ्रिवा म्हिसे चुहड् भिसी पाड्वा मुला:

“डाइ अर्गु म्हिसे ह्वाड लसी नैवा ताम आपाड्मुला ।

ओच्छे म्हि साइवा ग्यामरी डा भ्रवा आरे । व्हाइ १७:४

शैतानदेन छ्याम छेबाला लागिरी हतियार गिक मुला, थे हतियार चा आत्माला तरवार हिन्ना । एफिसी ६:१७ री चुहड् भिसी पाड्वा मुला, “परमेश्वरला बचन आत्माला तरवार ... किन्नो ।” य्हाडसे परमेश्वरला आत्माला तरवार

दा थोसी चुदा” विश्वासग्याम चलब लबारी छ्याइमाहेन्से य्हाडदा जम्बूलिडरीन आरेबा ज्ञान बुद्धिदेन अधिकार पिन्मुला । चु भन्दा डाच्छा य्हाडसे मत्ति ४ अध्यायरी तिग ताम च्याबा मुबा थे ह्हाडसे ढान्बा मुला ? येशूसे शैतानदेनछ्याम हूप तमा हतियार थोसी जे हूप तजी, थे हतियार चा “चुहड् लसी भिबा मुला” भिबा हिन्ना ।

७. खुसी चोखो तना लबा

पावलसे चु दिला तामगदे हेम्फेबेगदेला लागिरी पाड्बा मुला, तसैनोन थेसे पाड्बा चु ताम हेम्फेबेगदेदेन मिडम्हेमेगदेला बारेरी जे पाड्बा आहिन । तर म्हाछार खीष्टदेन चाड्छार मण्डलीला बारेरी पाड्बा हिन्ना, म्हाछार गिकला लागिरी चाड्छार तबा हड् लसी मण्डलीएनोन खीष्टला चाड्छार हिन्ना । पावलसे य्हाडदा घेन मुल ताम न्ही पाड्बा मुला । थे ताम चा खीष्ट (थारबा पिन्वादेन प्रभु ओच्छे मण्डलीला म्हाछार) मण्डलीला लागिरी स्होबा मुला ।

“ओच्छे खीष्टसे मण्डलीदा माया लसी ह्हाडला ज्याननोन पिन्वा हड् लसी हेम्फेबेगदेसेनोन ह्हाड ह्हाडला मिडदा माया लउ । ओच्छे खीष्टसे मण्डलीदा चोखो स्होवारी बप्तिस्माला क्युइदेन

ह्हाडला बचनग्याम खुसी धाना लबा मुला । खीष्टसे मण्डलीदा य्हालदेन जेबा, दाग आरेबा,

आज्योम्बा, तिगै चोट आरेबा, चोखोदेन तिगै दोष आरेबा मण्डली स्होसी ह्हाडदेन

छ्याम

भ्रवाला लागिरीन खीष्टसे थेहड् लसीन
हाडला ज्याननो पिन्वा हिन्ना ।”

एफिसी ५:२५-२७

खीष्टसे जम्मान भन्दा डाच्छा लबा गे चा
थेसे हाडलान काग्याम हाडलान लागिरी यहाडदा
थार्ना लजी । तर अर्भै यहाडसे च्याजी भिसम
खीष्टसे यहाडदा क्युइदेन थेला बचनसे खसी चोखो
सहोवा मुला । परमेश्वरला बचनसे यहाडदा खुवा
मुला ओच्छे, चोखो तना लबा मुला ।

यूहन्नासे येशूला बारेरी चुहड् लसी
पाड्वा मुला, “येशू खीष्ट क्युइदेन काग्याम खजी ।
अथवा क्युइग्यामसे जे आहिन, काग्यामसेनोन
हिन्ना ।” (यूहन्ना ५:६) थेसे हाडला काला बलि
फुल्सी यहाडदा थार्ना लजी । तर थेला बचनना
क्युइसे खुसी यहाडदा चोखो तना लमुला । चु ताम
न्हीनोन यहाडदा आरेनान आतबा ताम हिन्ना ।
यहाड बचनग्याम चोखो तबारी खम्गै भिसी यहाडसे
येशूला काग्याम थार्ना याड्वा मुला ।

८. यहाडला ऐना

याकूबसे भिवा चिठीरी परमेश्वरला
बचनसे यहाडला ल्हुइरी खाहड्बा गे लमुला,
ओच्छे यहाडसे परमेश्वरला बचनदा खाहड् लसी
किन्तो:ला भिवा तामला बारेरी पढव लमुला:

“थेतबासेलमा थेहड्बा जम्मान
आज्यवा बानीवेहोरदेन नइवा ताम ख्लागो ।

ओच्छे परमेश्वरसे

एनीगदेला सेमरी थान्वा बचनदा सोजो
तसी सदन थोसी भ्रउ । चुनोन बचनरी
एनीगदेदा

थाना लबा शक्ति मुला । एनीगदेसे चु
बचन ड्यान्वा जे आहिन, बचन अन्ध्रार
गेएनोन लउ । तर बचन ड्यान्सी जे
हाडसे हाडदान धोका थापिन्गो । खालै म्हिसे
बचन चा ड्यान्सी बचन अन्ध्रार गे आलनी
भिसम थे म्हि चा ऐनारी ली च्यावा म्हि
हड्बान हिन्ना ।

थेसे ऐना च्यातेधोना जे हाडला ली
चुहड्बा मुला भिसी था याड्मुला ।

तर ऐना च्यासी निमाहेन्से थेसे हाड
खाहड्बा मुला भिवा ताम तुरुन्दन म्ले:ला ।

तर जुन म्हिसे थाना लबा परमेश्वरला
ठिम अन्ध्रार सेम लसी ड्यान्सी भ्रला,

थेसे परमेश्वरला बचन आम्ले:ना
गेएनोन लला । थेहड्बा म्हिदा चा हाडसे
लबा जम्मान गेरी परमेश्वरसे मोलम
पिन्ना ।” (याकूब १:२१-२५)

परमेश्वरला बचन य्हाड मुबा ग्लारी
खमाहेन्से य्हाडसे लनोन तो:बा ताम न्ही मुला,
थे चा य्हाडसे बचनदा सोजो तसी सेमरी
किन्तो:ला । ओच्छे बचनसे जुन गे लउ भिसी
पाड्बा मुला थेनोन लतो:मुला । याकूबसे बचनदा
ऐनादेन छ्याम दाँजब लबा मुला, याकूबसे चुहड्
भिसी पाड्बा मुला, परमेश्वरला बचन पढब

लमाहेन्से य्हाडसे य्हाडला ल्हुइरी बचनदा गे लपुड्
तोःला । थे भिवा चा ऐना य्हाडला डाच्छापट्टि
थान्वा ह्हाड्बान हिन्ना । चुह्हाड् लसी च्याममा य्हाड
खाह्हाड्बा मुला भिवा ताम प्रष्टन उन्मुला, चु भिवा
चा य्हाडला ली खाह्हाड्बा मुला भिवा आहिन, तर
य्हाडला सेमदेन बानीबेहोर खाह्हाड्बा मुला भिसी
हिन्ना ।

याकूबसे चुह्हाड् भिसीएनोन पाड्बा मुला,
ह्हाडसे साँच्चिलान ऐना च्यामाहेन्से चुदे ह्हाडसे
ह्हाडला ल्हुइरी तिगै न्होड्बा म्हाड्जी भिसम ह्हाडसे
तुरुन्दन स्होमुला । चुदे ह्हाडला का न्होड्बा
मुसम ह्हाडसे का खेमुला । ओच्छे चुदे ह्हाडला
लीरी फोहोर निवा मुसम ह्हाडसे ली खुमुला ।
ऐनारी म्हाड्बा अन्ध्रार ह्हाडसे गे लमुला । ह्हाडसे
परमेश्वरला बचनना ऐना च्याबाएनोन चुनोन
सत्य ताम हिन्ना, चुह्हाड् लसीन ह्हाडसे ह्हाडला
आत्मा खाह्हाड्बा मुला बचनना ऐनारी च्यातोःला ।
ओच्छे बचनसे ह्हाडदा जुन ताम उन्मुला थेनोन
अन्ध्रार ह्हाडसे गे लतोःला । य्हाडसे थे ऐनारी
च्यामाहेन्से खाह्हाड्बा ताड्बा ताम स्याप्मुला चुरी
पाड्बा मुला ।

“य्हाड ख्रीष्टग्याम परमेश्वरदा सेम
निवा म्हि दोगै भिसी पापनोन आलवा
ख्रीष्टदा परमेश्वरसे य्हाडला पाप काप्सी
पिन्जी”

(२कोरिन्थी ५:२१)

येशूसे लमा य्हाडसे बचनना ऐनारी च्यामा, य्हाडसे ह्हाडसे ह्हाडदान पाप आरेबा म्हि स्याप्मुला । वरु य्हाडसे ह्हाडदान परमेश्वरदा सेम निबा म्हि दोबा म्हाड्मुला । चु चा खीष्टदेन छ्याम गिक तसी लबा विश्वासग्याम य्हाडला लागिरी थान्सी पिन्वा मोलम हिन्ना ।

९. य्हाडला निसाफ लबा प्रभु

निसाफ भिबा ताम चा य्हाडसे खेन्गेन आम्हान ताम हिन्ना, तर पाङ्गोन तोःमा निसाफ चा परमेश्वरला म्हिगदेदेन छ्याम परमेश्वरसे पिन्ना भिसी लबा कबुलगदे न्हडला गिक हिन्ना । अम्है पाङ्गोन तोःमा चु जम्बुलिड नाश लबा धुइरी ठीक निसाफ लबा चा परमेश्वर ह्हाडनोन हिन्ना ।

चु ताम बाइबलला शुरुहेन्से थुम्बाधोनान प्रष्टन पाङ्गुवा मुला । जम्मान भन्दा लिच्छा जम्मान म्हि य्हुल्ला निसाफ लबा चा परमेश्वर ह्हाडनोन हिन्ना । तिरेकुनु य्हाड जम्मासेन परमेश्वरदा जोहाव पिन्तोःला ।

य्हाडसे चु सत्य ताम परमेश्वरला बचनरी ल्हानान ग्लारी स्याप्मुला । थे तामगदे न्हडला तिगै तामगदे च्यागेः

*परमप्रभुन निसाफ लबा परमेश्वर
हिन्ना थेसेन तिनीला धिनरी निसाफ
लगै...।*

न्यायकर्ता ११:२७

पक्कान जम्बुलिडला निसाफ लबा
परमेश्वर गिक मुला ।

व्हाइ ५८:११

खालैलान ली च्यासी आहिन, तर म्हिसे
लबा गे अन्ध्रार निसाफ लबा

परमेश्वरदा एनीगदेसे आबा भिसी
प्रार्थना लबासे लमा जम्बुलिडरी

परदेशी दोःसी चितेधोना एनीगदे
परमेश्वर म्नाइसी लोड्गो ।

...१पत्रुस १:१७

व्हाड चु सत्य ताम अन्ध्रार भ्रनोन तोःला,
निसाफ तनोन तला, ओच्छे, जम्मालानन निसाफ
लबा चा परमेश्वरनोन हिन्ना । परमेश्वरला बचनरी
प्रष्टन पाड्बा मुला, निसाफ लबाला लागिरी
परमेश्वरला ठिम मुला, खाह्ण्ड लसी निसाफ लला
भिबा तामला बाररी परमेश्वरसे डाच्छान म्हान्सी
जिन्वा मुला । चु चा जम्मासेन घोना लसी पाड्बा
मुला, परमेश्वर निसाफ लबा आबा हिन्ना, तर
परमेश्वरसे येशूदा निसाफ लबा प्रभु स्होवा मुला ।
ओच्छे, येशूसे चा बचनदान निसाफ लबा अधिकार
पिन्वा मुला । परमेश्वर आबासे ह्नाडला भा येशूदा
खाह्ण्ड लसी निसाफ लबा अधिकार पिन्वा मुला
च्यागे:

येशूसे चुह्ण्ड भिसी सुड्बा मुला,

“आबासे खालैलान निसाफ आल,
तिग्दा भिसम जम्मादान निसाफ लबा
अधिकार आबासे

भादा पिन्वा मुला । आवादा मान लबा
हड् भादाएनोन मान लगै भिसीन आवासे

चुहड् लबा हिन्ना । तिग्दा भिसम
जुन म्हिसे भादा मान आल थेसे भादा
पुइखवा

आवादाएनोन मान आल ।”

यूहन्ना ५:२२-२३

परमेश्वर आवासे हाडला भा येशूदा
निसाफ लबा अधिकार पिन्जी, तिग्दा भिसम थे
परमेश्वरसे पुइखवा म्हि हिन्ना । परमेश्वरसे
निसाफ लबा अधिकार चा येशू परमेश्वरसे
पुइखवा म्हि तवासे लमा जम्मासेन परमेश्वर
आवादा मान लबा हड् लसी थेला भा येशूदाएनोन
मन लगै भिवा चु ताम न्हीला लागिरी हिन्ना ।
परमेश्वरसे पुइखवा म्हि तवासेलमा येशूसे
य्हाडला कमजोर, तिगै लबारी आखम्बादेन
य्हाडदा फसब लबा तामगदे ज्यना लसी
घोमुला । येशू दयामाया लबादेन
ठीक निसाफ लबा प्रभु हिन्ना । तिग्दा
भिसम येशूसे य्हाडला बानीवेहोर था
याड्सी जिन्वा मुला ।

य्हाडसे चु सत्य तामएनोन घोनोन
तो:मुला, परमेश्वरला भा येशूदा पिन्वा
निसाफ लबा अधिकार येशूसे बचनदा
पिन्वा मुला । येशूसे चुहड् भिसी
सुड्बा मुला ।

“डाला ताम थे:सीनोन डाइ पाड्बा
अन्ध्रार आभ्रवा म्हिगदेला निसाफ आल ।
तिग्दा भिसम डा

जम्बुलिङला म्हिगदेला निसाफ लबारी
खबा आहिन । तर जम्बुलिङला म्हिगदेदा
थाना लबारी

खबा हिन्ना । तर डादेन डाला तामदा
विश्वास आलबा म्हिगदेला निसाफ
लबारी निसाफ लबा गिक मुला । थे चा डाइ
पाड्बा तामनोन हिन्ना । थेसेन चु जम्बुलिङ
नाश तबा धुइरी थेनीगदेला निसाफ
लला ।”

यूहन्ना १२:४७-४८

निसाफ लबा धुइरी य्हाडला न्ह परमेश्वर
आबासे, न्ह भा येशूसे निसाफ लला, तर थे धुइरी
बचनसेन निसाफ लला । चु निसाफला बारेरी
ताम गिक मुला, थे चा य्हाडसे घोनोन तो:ला । थे
ताम चा ह्हाडसे ह्हाडलान निसाफ लबा हिन्ना ।

चु खाह्ण्ड लसी तला भिबा ताम य्हाडदा
पावलसे १कोरिन्थीला किताबरी प्रष्टन घोना लसी
पाड्बा मुला । चु चा परमेश्वरला निसाफदा
वस्ता आलना ह्हाडसे ह्हाडदान आच्यानान प्रभु भोज
चबा म्हिगदेला बारेरी पाड्बा हिन्ना । पावलसे
चुह्ण्ड भिसी पाड्बा मुला, य्हाडसे चा थेह्ण्डबा दुख
याड्बा खाल्ला सजाय नाआतो:

“तर य्हाडसे ह्हाडसे ह्हाडदान ठीक मुला
कि आरे भिसी

च्याजी भिसम य्हाडसे सजाय
नाआतो:”

१कोरिन्थी ११:३१

चुदे व्हाडसे व्हाडसे व्हाडलान निसाफ लजी भिसम व्हाड परमेश्वरला सजयग्याम जोगव तला । चु खाव्हड लसी तला भिसम ? परमेश्वरला बचनना ऐना च्यासी, थेरी म्हाड्बा ताम ऐनाला ताम जे अहिन तर व्हाडला निसाफ लबा बचन हिन्वाचिम भिसी सेमरी म्हन्सी तला । बचन व्हाडला लागिरी ऐना जे अहिन तर निसाफएनोन लमुला भिवा ताम म्हन्सी सोजो तसी परमेश्वरला बचन ड् यान्वा, बचनसे उन्वा अन्ध्रार पाप ख्लासी पर मेश्वरपट्टि दोबा, ओच्छे बचनसे कुल्वा अन्ध्रार भ्रजी भिसम व्हाडदा लोड्बा खवा सजयग्याम जोगव लसी थान्ना ।

“ज्यवा खेन्वा ताम ग्याम खवा जोहाव” ला बारेरी वाइबलसे चुव्हड् भिसी पाड्बा मुला, थे ताम चा व्हाडला लागिरी आरेनान आतबा ताम हिन्ना । थेला लागिरी व्हाड खीष्टदेनछ्याम गिक तसी बप्तिस्मा किन्सी व्हाडसे लबा पक्का विश्वासदा धिन धिननोन आख्लाना भ्रतोःला । (१पत्रुस ३:२१) व्हाडसे ज्यवा खेन्वा तामग्याम खाव्हड् लसी जोहाव याड्खम्ला ? व्हाडसे परमेश्वरला बचनरी मुवा व्हाडला लागिरी आरेनान आतबा तामगदे च्यामुला । ओच्छे व्हाड थे बचनगदे अन्ध्रार भ्रमुला । थेतबासेलमा दाहेन्से व्हाड परमेश्वरसे लबा निसाफ म्हाड्सी व्हाड लोड्आतोः तिग्दा भिसम व्हाडसे व्हाडसे व्हाडदान जाँचव लबा मुला । थेतबासेलमा व्हाडसे परमेश्वरला सजाय नाआतोः

तुन्ना लसी पाड्बा गोर कू गेगदे

चु कितावरी मुबा तामदा थुना लसी पाड्तोःमा डाइ परमेश्वरला बचनसे लबा गोर कू गेगदेला बारेरी पाड्ला ।

- परमेश्वरला बचनसे विश्वासदा रेना लमुला ।
- परमेश्वरला बचन चा छार जुनी पिन्बा ब्लु हिन्ना ।
- परमेश्वरला बचनसे आत्मादा तोःबा जम्मान चबा थुड्बा पिन्मुला ।
- परमेश्वरला बचनसे ज्ञान बुद्धि पिन्मुला ।
- परमेश्वरला बचनसे ल्हुइला रोग म्हना लमुला ।
- परमेश्वरला बचनसे शैतानदेन पापथोरी ढाखम्बा शक्ति पिन्मुला ।
- परमेश्वरला बचनसे शुद्धदेन चोखो तना लमुला ।
- परमेश्वरला बचन आत्माला लागिरी ऐना हिन्ना ।
- जम्मान भन्दा लिच्छा परमेश्वरला बचनसेन निसाफ लला ।

व्हाडसे स्याप्वा सत्य ग्यामदा दोःसी पाड्बान परमेश्वरला बचनना अधिकारदेन शक्तिदा गादे घेन मुला भिसी म्हनो, ओच्छे थे सत्य

ग्यामरी भ्रवाला लागिरी ह्यो लउ भिसी य्हाडसे
परमेश्वरदेन छ्याम प्रार्थना लाइ ।

“डाइ चु ताम प्रष्टन पाइला, चुदे डाइ
बाइबलदा म्हिसे पाइबा ताम हिन्ना भिसी पाइजी
भिसम, थे बचनसे डाला ल्हुइरी पूरान गे आल ।
तर चुदे डाइ थे बचनदा परमेश्वरला बचन हिन्ना
भिसी पाइजी भिसम थे बचनसे डाला ल्हुइरी
पूरान गे लला । ‘डाइ डाला बाइबल पढब लमाहेन्से
परमप्रभुदेन छ्याम ताम पाइवाला लागिरी धुइ
छुट्याब लमुला । ओच्छे सदन डाइ विश्वास लबा
मुला, चु ह्हाडला बचन हिन्ना भिसी डाइ पाइबा
मुला । ह्हाडसे थे बचनसे जुन गे लबाला लागिरी पुइखबा
हिन्ना, डाला आत्मा, प्राणदेन ल्हुइला जम्मान ग्लारी
बचनदा गे लबारी पिन्गो । तिग्दा भिसम डाइ चु
ताम विश्वास लबा लला ।”

परमप्रभु, ह्हाडला बचन पिन्वाला
लागिरी ह्हाडदा धन्यवाद मुला, चु बचनदा
घोबारी, खेन्वारी, डाला ल्हुइला शक्ति
स्थोबारी ओच्छे ह्हाडदेन येशूला जयजयकार
लसी भ्रवाला लागिरी डादा ह्यो लउ । जम्मान
भन्दा घेन ह्हाडला मिन किन्सी डाइ प्रार्थना
लबा मुला । आमेन ।



श्रिखेनना बारेरी

डेरेक प्रिन्स १९१५ री इंडियाला ब्रिटिस परिवाररी न्हबा मुबा । ओच्छे थे २००३ री डोड्जी । थेसे इंग्ल्याण्डरी इटन भिबा क्याम्पसदेन क्याम्ब्रिज भिबा विश्वविद्यालयरी ग्रीकदेन ल्याटिन ग्योड्डी पढब लजी । थेसे उन्मालादेन धन्देला विद्वानगदेसे भिबा किताबग्याम किड्ग भिबा क्याम्पसरी संगति लजी । थेसे यरुशलेमला क्याम्ब्रिज भिबा विश्वविद्यालयदेन हिब्रु विश्वविद्यालयरी दान्देल्ला अर्गु ल्हानान ग्योड्गदेला बारेरीनोन पढब लजी । थे न्हाडरी हिब्रुदेन अरमिक ग्योड्गदेनोन परब तमुला ।

दोस्रो विश्व युद्ध तबा धुड्डी थेसे ब्रिटिस आर्मीरी गे लवान मुबा । थे धुड्डी थेसे बाइबल पढब लवारी छ्याड्जी, ओच्छे येशू ख्रीष्टदेन छ्याम हाडला ल्हुइ पोबा ताम था याड्जी । चु तामग्याम थेसे गोर न्ही मुल ताम था याड्जी । गिक चा येशू ख्रीष्ट छोन्वोन मुला, अर्गु चा बाइबल सत्य, ठीकदेन पुरा तबा किताब हिन्ना । चु तामगदेसे थेसे खेन्वा पुरा तामनोन पोजी । थेतबासेलमा थे, बाइबल पढब लवादेन लोप्पारी तयार तजी ।

डेरेकदेन छ्याम बाइबलदा घोना लखम्बादेन सजिलो तरीकासे प्रष्टन लोप्खम्बा मुल मोलम मुबासेलमा लाखौं म्हिला विश्वासला जग थान्वाला लागिरी ह्यो तबा मुला । थेला जम्मादेन छ्याम ढिक्खम्बा सेमदेन थरीथरीला समूह गिकला लागिरी जे आतना जम्मान खालला समूहगदेदेन छ्याम ढिक्खम्बा लोप्बा ताम जम्मान य्हुलदेन

जम्मान धर्मग्याम खबा म्हिगदेला लागिरी ल्हानान
ज्यवादेन ह्यो तवा मुला ।

थेसे बोगल न्हीसे च्युइ किताब भ्रिवा मुला,
थेसे लोप्पा तामग्याम ग्यार्जा डा अडियो तेःवा
मुला ओच्छे ग्यार्जा गिकसे बोगल न्ही भिडियो
स्होवा मुला । चुगदे न्हडरी ल्हाना ह्ण्ड्वा चा ग्यार्जा
गिक भन्दा ल्हाना ग्योइगदेरी अनुवाद लसी तेसी
जिन्वा मुला । डेरेक प्रिन्स लेगेसी मिन लवा रेडियो
गेताड धिनधिननोन चलब लवा रेडियो गेताड,
अरबिक, चिनिया (अमोय, क्यानटोनिश, मन्दरिन,
संघाई, स्वतोव), क्रोएसिएन, जर्मन, मलागसि,
मङ्गोलियन, रस्सियन, सामोअन, स्पेनिसदेन तोङ्गन
ग्योइरी अनुवाद लवा मुला । थेला चु रेडियो
गेताडसे जम्बुलिड नाडलान म्हिगदेला सेम थुर्बा
मुला ।

डेरेक प्रिन्ससे लवा प्रभुला गे, “येशू दोःसी
आफेप्खदेधोना” येशूसे कुल्वा ताम पुरा लवान ह्ण्ड्वासे
लोप्पा तामग्याम जम्बुलिड नाडलान विश्वासीगदेदा
हुप तबारी आख्ला । चु गे अस्ट्रेलिया, क्यानाडा,
चीन, फ्रान्स, जर्मनी, द नेदरल्याण्ड, नर्वे, रस्सिया,
दक्षिण अफ्रिका, स्विजरल्याण्ड, बेलायतदेन अमेरिका
ह्ण्ड्वा अर्गु यहुल्साला गे दिमग्याम जम्मान ग्लारी
ज्यवा तवान मुला । चुला बारेरी था याड्वाला
लागिरी दान्दे जम्बुलिड नाडलान लागिरी www.derekprince.com री स्हीखम्ला ।

जम्बुलिङ्गरी मुबा डेरेक प्रिन्ससे शुरु लबा गैला गेदिमगदे

आरमेनिया	म्यानमार
अस्ट्रेलिया	नेपाल
बेल्जियम	नेदरल्याण्ड
बोशानिया	न्युजल्याण्ड
बुल्गेरिया	नर्वे
क्यानाडा	पाकिस्तान
चीन	पपुवान्युगिनी
क्रोएशिया	पोल्याण्ड
क्युबा	रोमानिया
चेक गणतन्त्र	रस्सिया
मिश्र	सर्वियादेन मन्टेनेग्रो
इस्टोनिया	सामोआ
इथोयोपिया	सिङ्गपुर
फिजी	स्लोभाकिया
फ्रान्स	स्लोभेनिया
जर्मनी	सुलेमान आइल्याण्ड
हङ्गेरी	दक्षिण अफ्रिका
भारत	स्वीटजरल्याण्ड
इन्डोनेशिया	युक्रेस
इस्राएल	बेलायत
काजक्स्तान	अमेरिका
माकेडोनिया	भानएटु
मलेशिया	

